



# আঁধারে রঙিন রাখাল

নাসরীন জাহান



নিয়াজ জামান  
ফেরদৌস আজিম

ধাদের অনুবাদ মাধ্যমে আমার বেশ কিছু লেখা পৃথিবী  
দেখেছে। এই উদারতার সীমা পরিসীমা নেই।

আক্ষর্য রঙবাজ লোক ।

ওনে এসেছে আশৈশব থেকে, আজীব চেহারা তার, কিছু নেই গুণ । কী করেই  
বা থাকতে পারে ? কখনো মাথা উর্ধ্বপালে তুলে, কখনো দিঘির পায়ে জবুখু হয়ে  
কী সব জানি বিড়বিড় করে বলে । ছেলেবেলাতেই চোখে অঙ্ককার নেমে এসেছে ।

কিছুদিন মা দেখেছে ।

এরপর বাপ মরেছে ।

মা চলে গেছে আরেক ব্যাটার হাত ধরে । তারপর আর কী ?

বালু খাও । বাতাস খাও ।

কিন্তু, না । মা'র প্রস্তানকে সে সহজভাবে নিতে পারে নি । বোঝার পর থেকে  
যে-কোনো বিষয়ে দারূণ নির্ণিষ্ঠ ছেলেটি, অঙ্ককার চোখেও মা'র চলায়মান দৃশ্যকে  
স্পষ্ট দেখতে পেত । হাতে টিনের বালু । দরদর বাতাসে তার ডুরে শাড়ির আঁচল  
উড়ছে । যাওয়ার আগে কাঁচা নতুন শাড়ির গল্পে বুকে চেপে ধরেছিল ছেলেটির মুখ  
... অস্পষ্ট গোঙ্গানি কষ্টে বলেছিল, আমার ওপরে যে ছাদ, চাল নাই, চাইর পাশে  
বেড়া নাই, আক্রম ঢাকনের কাপড় নাই... শকুন কাউয়ারা খালি গোশ্চ খাইতে চায় ।  
তবে আগ্নার ময়দানে ছাইড়া গেলাম ।

তখনো ব্যাপারটির ভয়াবহতা সম্পর্কে ছেলেটি বুঝতে পারে নি ।

ওধু অক্ষ চোখে মা'র চলে যাওয়ার ধৰনির মধ্যে দেখেছিল ডুরে শাড়ির রঙজাঞ্জ  
রঙ । ধেয়ে ধেয়ে এক অস্তুত বিক্ষিত যন্ত্রণার মধ্যে সেই রঙ ছুরি হয়ে এসে যখন তার  
দ্রুতগতি কাঁপাতে থাকে, পোড়ানো যন্ত্রণার দুহাত শূন্যতায় হাতড়ে গুমড়ে গুমড়ে  
কাঁদে সে । সে দু'হাত চোখে নিয়ে যায় ।

নিচল আঁধার চোখপুঁতির পাঁজর ভেঙে গালের দিকে ধাবিত হতে থাকা জল সে  
স্পর্শ করে অঙ্ককারের সামনে মেলে ধরে, নোনাজলের রঙ দেখে, শাদা— না,  
একেবারে শাদা কি ?

ফাঁপরে পড়ে যায়, জলের রঙের নাম কী ?

কেউ একজন যমতাময়ী পড়শি এসে মাথায় হাত রেখে ওর সামনে দু'মুঠো  
ঝাবার দিয়ে বলে, খা । দুনিয়া বড় নিষ্ঠুর রে । খা । সব সইজ্জ্য করণ যায়, খিদা না ।

এই দানার লাইগাই তোর মায় বুকে পাখর চাইগ্যা এক গোরস্থান থাইকা আরেক গোরস্থানে গেছে ।

থিতানো কান্না গিলে ছেলেটি নিজে সেই মহাতাজ্জবে পড়ে যায়, দানার লাইগ্যি ? তয় যে মায় কইল, কাউয়া শকুন ?

অই অইল... পড়শির কঠের মায়ার বাঁপট ওর নিষ্পাস রূদ্ধ করতে থাকে ।

পড়শি নিজ অভিজ্ঞতায় জারিত দর্শন বাড়তে থাকে, ঘাড় টানলে যেমুন মাথা আহে, মাথা টানলে শইল... যেমুন কানের মইধ্যে চিমচি দিলে মাথা থাইক্যা শকুন কইরা দেহের বেবাক বিভাগে কষ্ট জাপে, বেবাক বিভাগ চিকুর দেয়, মনে কর এই রকমই কাউয়া শকুন যৈবতী নারীর গোশত বাওনের লগেও থাহে বাদ্য খিদার সম্পর্ক... এহেন চক্রে বাওয়া কথায় ছেলেটির যথন বোদাই মুখে নিখর... পড়শি গন্ধ আঁচল দিয়ে তার চোখ মুছিয়ে দিতে দিতে এই আকালের দিনে যেখানে কর্জীবনের পীড়নে কারও ভালোমন্দ একবাক্য শোনার সময় নেই, এমন সময় তার কথা শনতে চাওয়ার এমন নিঃশব্দ শ্রোতা পাওয়া তুমুল আগ্রহে আরও কয়েক ধাপ এগোয়—

বুঝলি না তো ?

ছেলেটি ক্রমশ নিষ্পত্তি, স্থির ।

নে, খা, চাবান দে... আমি বুঝাইতাছি ... ধৰ একটা ইটের উপরে আরেকটা ইট... এই রকম কইরা কইরা তাক তাক কইরা বাখন হইল, পরিবের জীবনে বিদা, শহিল্যের গোশত, ট্যাকা পইসার অভাব... আরো বেবাক কিছু.. হাত, পাণ, মাথার মতো, এইসব কিছুই শহিল্যের একটা আরেকটার লগে লাইগ্যা থাহে, একটা ইটে টান দিলে যেমুন বেবাক ইটে ধাক্কন লাগে, শহিল্যের এক জায়গায় চিমচি দিলে যেমুন বেবাক শহিল্যে জানান লাগে, তেমুনই, তর যুবতী মার যুদি আইজকে লক্ষ কৃটি টাকা থাকত, তাইলে হৈয় না চাইলে কাউয়া শকুন আগাওয়াতে সাহস পাইত না । ঘরে এক দানা চাউল নাই, যৌবন ঢাকনের কাপড় নাই... এই দশায় একলা নারীর যহন এই মরদের দুনিয়ায় হাত পাততে হয়... খা, বাপ, খা । আমি আর কয় বেলা ? এই কঠিন দুনিয়ায় তুইওতো অন্ধ অবলা... । হের পরেও তর বাঁচনের যুদ্ধ তরেই করতে যে অইব... মমতাময়ী পড়শি এইসব বুঝিয়ে, সামুনা দিয়ে আরেকটি কঠিন দীর্ঘস্থানে বাখালকে বীতিমত্তে ব্যাপক শূন্য পৃথিবীর দিকে ছিটকে দেয় ।



উড়তে উড়তে চক্র থেতে থেতে এই দুনিয়ার কঠিন দারিদ্র্য, অবহেলা, লাঞ্ছিতার  
মহা ছজ্জ্বাতে পড়ে এক সময় নিজের জানতে অথবা অজান্তে টের পায়, সে একজন  
ভিক্ষুকে পরিষত হয়েছে।

দারিদ্র্যকে ঘৃণা করে সে।

ভিক্ষাবৃত্তিকেও।

কিন্তু ছেলেবেলা থেকে কম ঠোকুর তো খায় নি সে। এই অঙ্গ চোখ নিয়ে কী  
করে সে নিজের এই অবস্থার সাথে লড়াই করে?

শৈশবের দুঃসহ অবস্থায় চলতে চলতে ভুক্ত হলো ক্রমাগত আপোস। যে  
আপোষে সে মা বাবা'র দেয়া নাম পর্যন্ত ভুলে শৈশব-কৈশোরের সমস্ত মুখের ছায়া  
পর্যন্ত অপছান্না করে আচর্ষিতভাবে এগিয়ে আসতে দেখত এক উদাস দুখু বাড়িলের  
মুখকে। যে দিনের পর নিজে বাঁশি বাজিয়ে ক্রমাগত শুনত ছেলেটির বাঁশির সুর।  
আর বলত— শাইনবে কী সব নামে ডাকে তরে— ট্যাপা, সহফ্যা, কুন্দুইসলা—  
এইসব কুন নাম হইল! তর অন্তরের বেদনায় অনেক বড় শিল্প আছে রে। জীবনে  
তো কম বাঁশি বাজাই নাই। কম শুনি নাই। এর বাঁশির মধ্যে কী আজব কান্দনের  
সুর রে আমার শইল... রক্ত গাছ পাতা বেবাকই সেই সুরে কাঁপে। তুই জন্ম রাখাল  
রে, রাখাল।

রাত যায় দিন যায়।

নাগরিক আকাশ ছিঁড়ে পাখি যায়। এবং শুব আশ্য মাঁ'র বিদায়মান ভূরে শাঢ়ির  
রঙ অক চোখে স্পষ্ট দেখেও বিস্ময় বেদনার চক্রবাজিতে ব্যাপারটি রাখাল ঠাহর করে  
উঠতে পারে নি। কিন্তু কৈশোর থেকে জীবনের নানা পরতের যুক্তে ক্রমশ সে  
আবিষ্কার করেছে, বিভিন্ন রঙের প্রতি তার দুর্মর কৌতুহলের অনুভবের তীব্রতা কত  
প্রথর। কত... কত দিন নানা ভাবনায় এসব নিয়ে কত যে ভেবেছে রাখাল।

যেমন গাছের পাতা সবুজ না হয়ে নীল হলে কেমন হতো? কিংবা আকাশ যদি  
পাঞ্চা বেগুনি অথবা টস্টমে সবুজ হতো?

যখন পথে পথে হেঁটেছে আর বিড়াবিড় করে আঘাকথনে লিঙ্গ হয়ে ভিক্ষা  
নিয়েছে, একদিন পাশে তয়ে থাকা বিড়ালটিকে স্পর্শ করে ধায় সজোনেই বলে,  
বিড়াল এত কালো হয়?

আৱ যায় কোথায় ?

বেদম প্ৰহাৰ ।

ইয়াৰ্কি ? অক্ষ মানুষেৰ অভিনয় কৱে ভিক্ষা ? মানুষ যখন কাউকে মাৰপিট কৱাৱ  
সুযোগ পায়, রাস্তা দিয়ে হেঁটে যেতে থাকা সাদাসিদা লোকটিৰ ভেতৱেও কেমন  
ঘাপটি মেৰে থাকে অবদমন ক্ষুধাৰ্ত হিংস পঞ্চ... তখন তা প্ৰত্যক্ষ কৱা যায় । এই  
প্ৰথিবীতে কোটি টাকা, মিলিয়ন ডলাৱ ইউৱো গিলছে যে মন্ত চোৱেৱা, তাদেৱ প্ৰতি  
যে-কোনো মানুষই শ্ৰদ্ধায় বিনত, কিন্তু রাস্তাৰ একজন উপোসী মানুষ যদি প্ৰাকৃতিক  
স্বভাৱে বাঁচাৱ তাগিদে শ্ৰেফ ভাত চুৱি কৱে, পথে যেতে থাকা সেই সাদাসিদে মানুষ  
থেকে শুৰু কৱে রাজ্যৰ লোক তাকে পিটিয়ে মেৰে ফেলে পৰ্যন্ত ভীষণ বিৱৎস  
স্বত্ত্বতে ভোগে ।

ভাগিয়স এই প্ৰহাৰে রাখাল বেঁচে গিয়েছিল । তবে টানা হাসপাতালে থাকতে  
হয়েছিল ক'দিন ।

তুমুল ধকল গেছে শৰীৰেৰ ওপৰ দিয়ে । একে তো নিকষ আঁধাৱ চাৰপাশে ।  
অন্যদিকে হাসপাতালে নানা রঙেৱ বিষাক্ত গন্ধ, আৱ যন্ত্ৰণাকাতৰ মানুষেৰ চিৎকাৱ  
গোঙানিৰ শব্দ ।

কে যে এই মায়া-ময়িতাহীন আকালেৰ দিনে তাকে হাসপাতালে ভৰ্তি কৱে দিয়ে  
গেছে, আঢ়া জানে ।

তবে বিশ্বয়কৰ, একজন নাৰ্সেৰ মিষ্টি কষ্ট আৱ হাত মায়াৰ স্পৰ্শ তাৱ ওপৰ  
আছড়ে পড়ে— কেমন বোধ কৱছেন এখন ?

সৱকাৱি হাসপাতালেৰ বেশিৰ ভাগ সৱকাৱি ডাঙাৰ-নাৰ্সেৰ নানাৱকম  
বিৱক্তিময় কৰ্কশ কষ্ট যখন চাৰপাশ অস্থিৱ, মুৰৰ কৱে রাখে, তখন যেন এই নাৰীৰ  
আগমন আসমান ধেয়ে নেমে আসা পৱীৱ মতো । সে এলেই তাৱ ঝুটুঝুট হিলেৱ ধৰনি  
কান পেতে শোনে রাখাল, কতদিন যন্ত্ৰণাকাতৰ দেহ নিয়ে শুধু অপেক্ষা কৱেছে,  
কখন সেই পৱী ডিউটিতে আসবে । যখনই সে এসেছে, রাখাল তাড়িয়ে তাড়িয়ে তাৱ  
মেহ-ময়তা গিলছে । আজ যখন সেই নাৰ্স কুশল জিজেস কৱে অস্কুট কষ্টে বলে,  
আপনাৱ পোশাকেৰ রঙ কী শাদা গো, শৰৎবেলাৱ আসমান মেঘেৰ মতো ।

মুহূৰ্তে কম্পিত নাৰ্সেৰ হাত, আপনি আমাকে দেখতে পাৱতেছেন ? কেমনে ?

তাৱ হাতেৰ স্পৰ্শেই অজানা রোমাঞ্চে কাঁপে রাখালেৰ হাত, বিশ্বাস কৱেন,  
আমি জানি না, কেমনে পাৰি । কেমনে অক্ষ লালন এই দুনিয়াৰ মানুষেৰ আজ্ঞা-ঘৰ  
রঙ দেইখ্যা মানুষেৰ বেৰাক দেহমন ঝুইড়া জাইন্যা কী কইৱা গাইতো গান, কইৱাৰ  
পাৱেন ? আমি খালি ছুইয়া, যেৱান দিয়া আক্ষা চক্ষে রঙই দেহি, তাই আমাৱে  
অবিশ্বাস কইৱা এমন মৱণ মাৰণ মাৰল বেৰাকে ? আপনিও কি আমাৱে অবিশ্বাস  
কৱেন ?

আপনি কে ? লালন রে জানেন ? সত্যই রাস্তার ভিত্তিরি, নাকি ছদ্মবেশী অন্য কেউ ?

নার্সের এই বিশ্বাসজনিত কষ্টে হাত ছাড়িয়ে তীব্র অভিমানে মুখ ঘুরিয়ে ওয়ে থাকে রাখাল। এত মরণ যন্ত্রণায়ও যে এদিন একফোটা গোঙায় নি, কাতরায় নি, তার চোখ বেয়ে পড়তে থাকা ঢলায়মান জলের দিকে তাকিয়ে বিচলিত বোধ করে নার্স, প্রিজ থামুন। আপনি লালনের কথা কইলেন, আমার প্রাণটা কেমুন কাঁইপা উঠল। দিনভর রোগীর সেবা, রাতভর লালনের গান— আমার জীবনে আর কোনো কিছু নাই কি না, সেই আপনি লালন এর গান সম্পর্কে যেভাবে কইলেন—তাজব লাগল কী না, সেই জন্মোই— নার্স অজানা দীর্ঘস্থাস লুকায়, আপনি দোহাই কষ্ট পাইয়েন না।

এইবার মুখ ঘোরায় রাখাল। নার্স যখন হাতের পাল্স দেখছে, সে আকুল কষ্টে প্রশ্ন করে, ক্যান আপনি এই বিরান কঠিন দুইন্যাত, আমারে মায়া করেন? যখন আমি ভুইল্যা গেছি মায়া কী, যতন কী? খালি মানুষের ধিন্না, খালি মানুষের দূর দূর?

নার্স রাখালের কপাল স্পর্শ করে বলে, কী জানি, দুনিয়া কী দেখে, আমি নিজেও বলতে পারব না, আপনার এই অক্ষ চোক্ষের পুঁতিতে গভীর কালো, কী যেন মায়ার জাদু আছে। যে পলকের অস্ত্রিতায় কখন দিশেহারা হয় না, অন্য অন্দের মতো। হ্যাঁ, আমারও মনে হয়, মনের সব ভাষা আইসা জমা হয় এই চক্ষুতে। সেই চোখও লালনের মতো সব দেখে: কারো করুণা সাহায্য চায় না। আর কয়দিন যাবতই অবাক হয়া দেখি, আপনি যখন আমার দিকে তাকান। মনে হয় স্থির চোখে আমাকে দেখতেছেন। কখনো তো আমি নিজেও বিব্রত হইছি। পাবলিকের আর কী দোষ?

রাখালের দেহভূমণ্ডল ভূমিতে ব্যাপক বিলোড়ন ওঠে, সে কাঁপতে কাঁপতে ঠোঁটের ভাঁজ খুললে ভূরিত নার্সের তাড়া ওঠে, সে অন্য পেসেন্টের দিকে যেতে উদ্যত হলে রাখাল প্রবল আকৃতিময় কষ্টে জিজ্ঞেস করে, আপনের নাম কী কইবেন?

জোসনা...।

এইবার হাসপাতাল ছাড়িয়ে রাখালের দু'পা দু'ডানায় ভর করে বিশাল পূর্ণিমার নহরে ভাসতে থাকে। তার চোখ সুন্দর? এ-ও কেউ একজন অঙ্গের চোখ দেখে বলতে পারে?

এরপর সেই রাখাল এক ভৌ-এ তুমুল শৈশবে যায়, অতল অভিমান যন্ত্রণায় হাতড়ে হাতড়ে মা-কে ঝুঁজতে থাকে। তখন মা-ও যেন পরী, শুনঙ্গন গান গেয়ে উঠতি শিশুকে বুকের পরম ওষে গেঁথে হেঁটে হেঁটে দেখাচ্ছে পাতার রঙ, সুর্মের রঙ।

মেঘের, পূর্ণিমার রঙ...।

পূর্ণিমা... জোসনা।

যুবকের আকুল পৌরুষ তরঙ্গিত হয়, সর্ব অস্তিত্বের তুমুল অগ্নির এমন এক অচেনা মহোৎসবের জন্ম হতে থাকে, তা ভীষণ অচেনা। এক অদ্ভুত দিশেহারার

মাঝে বিন্যস্ত আর থিভু হতে থাকে এক তাজ্জব অনুভূতি... জোসনা। তবে কি সেই নারী চন্দ্র থেকে জোসনার আলো নিয়ে নেমে আসা সত্ত্বাই এক পরী ? যে মোমের শিখায় সেই আলো জ্বালিয়ে তার চোখে স্থাপন করে জীবন্ত করে তোলে রাখালের চক্ষু ?

এইভাবে যখন হাসপাতালের বেডে দিনগুলি রাতগুলি যাছে, তখন একদিন ভীমণ বিষণ্ণ জোসনা এসে দেখে, রাখালের মুখে খেলে যাচ্ছে অপার্থিব হাসি। বিড়বিড় করছে রাখাল, আহারে, পুরা অঙ্গ যেন শাদা রঙে হাসতাছে। বাহ ! বাহারের শাদারে; শাদার ভিতর শাদা যেন উথালপাথাল ঢেউর খেলা খেইলা চলতাছে। কী কষ্ট গো জোসনাদি আপনের ? কোনো কষ্ট কি শাদার ভিতরে এত কষ্ট লেপটায়া দিবার পারে ?

সুখ য্যান গিইল্যা খায় গো শাদা কাপড় মনের মানুষটার কষ্টে। এই প্রার্থনা করি গো জোসনাদি আমার পরাম্পরের অতল থাইক্যা।

তুমি কী কইরা জানে আমি কষ্টে আছি ?

হেঃ হেঃ মাথা নাড়ে রাখাল, কষ্ট ছাড়া আমার কষ্ট অত মায়ায় ছুইতে পারে কার সাধি ? কষ্ট ছাড়া এই জনমের এই অভাগা অক্ষ চোক্ষেরে কেমনে সে সুন্দর দেখে ?

তোমার চোখের মায়া দেখছি। অখন শুনি তোমার কথার মায়ার জাদু। হাসপাতাল থাইক্যা তোমার যে যাওনের সময় হইল রাখাল।

ভেতরের অনন্ত বেদনা গিলে রাখাল বলে, তা তো আমি বেবাগ গোছানোর শব্দেই বুঝবার পারছি।

একটু থেমে বলে, একটা কথা জিজ্ঞেস করি ? আপনে যখন পয়লা পয়লা 'তুমি' কইরা কুশল জিগাইতেন— একজন রাস্তার ভিক্ষুক, যার 'তুইতুকারী'তে অভ্যাস তখন কি জানতাম এই রাখালের মধ্যে একজন লালন বাস করে ? যে লালনের কথা সুরের পূজা করি আমি। জানালা দিয়ে দমকা বাতাস আসে ; ভেতরের সেতুলন মেশানো শুমোট গুরের কক্ষটি সেই বাতাসে মুহূর্তে দুলে গুঠে। ফিসফিস কষ্ট ধ্বনিত হয় জোসনার কষ্টে, তোমার নাম রাখাল কেন ? তুমি বাঁশি বাজাইতে পারো ?

তক্ষণি ফের শৈশবে মা'র কোলে ঘাঁপ দেয়। বাবার মৃত্যুর পর রাত রাত মা'দুর অরণ্যের গাছতলায় বাজানো কারো বাঁশির শব্দ শুনে উজানো কান্নায় ওকে ডেকেছিল, রাখাল বলে, এরপর একটি বাঁশি ওকে মা' কিনে দিয়ে বলেছিল, এই রকম বাজাইবি আর আমারে শুনাইবি জন্ম জন্ম। আমি এই সুরে হারা জীবনের বেবাক দৃঢ় ভুইলা যাইয়ু। মা'র প্রস্থানের পর সে প্রচণ্ড যন্ত্রণা, ক্রোধ কষ্টে দূর অরণ্যে বাঁশি ছুঁড়ে যখন জীবন দিশেহারায় ডুবজল থাচ্ছে তখন জীবনে এলো, দুর্ঘ বাড়ল।

সেই ছোট কিশোরকে গেরামের দুখু বাঙাল শিথিরেছিলও ক'দিন। সে-ও মরল।

জোসনার পাশে স্তুক হয়ে বসে থাকে রাখাল। এ আরেক বিজ্ঞেদ। আরেক  
মায়ার বক্রন ছিন্ন করে ফের ধূলা-মাটির সাথে লেপটে লেপটে ধড়ফড়ানি উড়াল  
যাতন্ত্রার খেলা!

হায় জীবন!



এরপর আবারও জীবনের সাথে ধাক্কা খেতে খেতে লটকে সটকে— আরো  
অনেকদূর।

সব সমাজেই কিছু মতলববাজ লোক থাকে। যারা আপন মতলব হাসিল করতে  
অন্যকে ভালো বুঝিও দেয়। রাখাল ভিধিরি সারাদিন অঙ্ককার সাঁতরে সাঁতরে  
শহরতলীর এক বিশাল বৃক্ষের নিচে এসে দুমায়। অদ্ভুত অভ্যাস তার। একা একা  
কথা বলা। সে শয়ে শয়ে বলে...

মায়ের রঙে কালো আছিল  
চাঁদের রঙে হলুদ আছিল  
ভাতের রঙে সুবাস আছিল।

তঙ্কুনি যেন উপর অনন্তের সিঁড়ি ধরে প্রদীপ হাতে এগিয়ে আসে এক নারী।  
বদলে থায় রাখালের কথা। আকুল রোমান্সময় অনুভব অথবা বিছেদের যাতনা থেকে  
সে ক্রমশ অপসৃত্যমাণ, রাখাল সেই নারীর দিকে তাকিয়ে বলে,

মায়ের রঙ কালো আছিল।  
শহিস্যের রঙ সবুজ আছিল।  
জোসনার রঙ শাদা আছিল।

তার পাশে বসে এক মতলববাজ লোক টিয়ে পাখি নিয়ে ভাগ্য রচনা করত।  
সারাদিন টিয়ের সে-কী ক্যাচ ম্যাচ। তার চেয়ে চতুর্গুণ প্রগল্ভ মতলববাজ।  
সে এই টিয়ে পাখির ঠোঁট দিয়ে কাগজ উঠিয়ে বামুনকে চাঁদে পাঠায়, ফকিরকে  
প্রাসাদ বানিয়ে দেয়, বেকার যুবককে বিদেশ পাঠায়, কুঁজোকে চিৎ করে শোয়ায়—  
কৃত কী ...।

সারাদিন পর টিয়েরা ঘৰন ক্ষাত, মতলববাজের চোখে নেমে আসে ভৃতৃড়ে ঘূম।  
তখন রাত্রি জাগরিত রাখাল ভিধিরির ঘূম শুনতে কার ভালো লাগে?

সে মহাবিরক্ত হয়ে টেলা দেয় একদিন,  
ওই ব্যাটা ভাগ!  
কী ক্ষতি করছি ভাই?  
আরে তুই আমার ভাই হইলি কবে? চুপ কর। ঘূমাইবার দে।

কী ক্ষতি করছি তাই ?

আবে ! এ তো পোষা ময়না ! চুপ কর !

এরপর ঘুমিয়ে পড়ে মতলববাজ। রাখাল তো জলমৎস্য, চেয়ে থাকলেও যা, ঘুমোলেও তা।

সে শয়ে শয়ে দেখে বাতাসের রঙ, তারাদের রঙ, ঝাঁকির অঙ্ককারে সব বৃক্ষ ঘুমিয়ে পড়লে যা ধারণা করে, তার রঙ... এক সময় আবার তার সমস্ত রোমকূপ শিহরিত... এক অন্তুত রোমাসে সে আকুল হয়ে যৌবনে ওঠা প্রথম নারীহাতের স্পর্শ তার পৌরুষকে উদ্বৃক্ত করলে সে হাতড়ে হাতড়ে সেই নারীর যৌবন স্পর্শ করে, এরপর সে অনুভব করে এক অগার্থিব জুব জুব বোধের মধ্যে তার জননেন্দ্রিয়র উত্থান...। সেই নারী গান.নয় তারই মতো রাত্রি জেগে পূর্ণিমায় চুল মেলে গান নয় যেন গীত গাইছে... পড়শি যদি আমায় ছুঁতো...।

আঠালো জলে লুঙ্গি ভিজে গেলে সে নিজেকে নিয়ে মহা ফাঁপড়ে পড়ে যায়। নিজেকে তখন সে এ নিয়ে ছিঃ ছিঃ ধিক্কার দিতে থাকে,

আবে একী ? একই শয্যায় তারই পাশে মতলবের বুকের ওপর উঠে এক নারীর ছেনালি হাসির শব্দ ? দু'জনের মোচড়া মুচড়িতে ক'বার যে রাখাল নিচে পড়ে গিয়ে আবার দাঁড়ায় গুনে পায় না। শেষে ওদের সুযোগ দিয়ে সে বটগাছের নিচে ঘাসের ওপর শয়ে পড়ে। সে চোখ বুজে শুকে জোসনার যৌবনের রঙ... না... পায় না, কেবল চোখ মেলে দেবে সে নারী মুখ পেতে আছে তার মুখের ওপর, আহা ! কী নিদারঞ্জন সুন্দর তার অঙ্ক চোখ জন্মের প্রথম শীকৃতি... সে তার চোখ পুঁতির রঙ খুঁজতে খুঁজতে শ্বলিত এ আঠালো জলে আলুথালু হয়ে নেতিয়ে আসা দেহের নিঃসাড় ঝুক্তির মাঝে ঘুমিয়ে পড়ে।



মতলববাজের নামই মতলব মিয়া। জীবনে তার প্রচুর অভিজ্ঞতা। প্রথমে সিঁদ কেটে চুরি করত। একদিন পিঠে ধাপুসধুপুস বাড়ি থেয়ে এমন মেরুদণ্ড ভাঙল। অনেক দিন ফি হাসপাতালে পড়েছিল। এরপর শহরে এসে গ্রামের অভিজ্ঞতা কাজে লাগাতে চেষ্টা করেছে। কত সুনিপুণ দক্ষতায় মানুনের পকেট কাটা যায়, এক ওসাদের কাছে এই অভিজ্ঞতা নিয়ে নেমে পড়ে এ পথে। এ ক্ষেত্রেও প্রথম দিকে সাফল্য আসতে শুরু করে। সবচেয়ে সে সুবিধা বোধ করত, জানাজায় গিয়ে পকেট কাটতে।

সামনে লাশ রেখে খুব আশ্চর্যজনকভাবে মানুষ জীবন-মৃত্যুর ওপারে চলে যায়।

গ্রাম থেকে আসার আগে সে কিছুদিন করেছিল এক চেয়ারম্যানের চামচাগিরি।

একদিন প্রতিপক্ষের শুলিতে চেয়ারম্যান চিরদিনের জন্য দুনিয়া ছাড়লে কিছুদিন ঝিম ধরেছিল। কিন্তু বসে থাকা তার ধাতে নেই। স্তৰ-সন্তানের প্রতি বীতশুল্দ রাত শুরুয়ে সেই যে শহরে এলো, আর ওদের কোনো খৌজ নেয় নি।

থেই থেই করে বৃষ্টির তেজ বাড়ছে, রাত্রিভৱ। সাথে খিটখিটে আসন্ন বৃষ্টির ঝাপটানি, খিটখিটে বোধ এইজন্য মতলবের, নগরে আসার পর কোনো ঝুরুই উল্টাপাল্টা বাড়াবাড়ি সহ্য হয় না তার। সেই কবে এসেছে সে থাম ছেড়ে, নগরের যাবতীয় কুচুটিপনার সাথে পরিচিত হয়েছে, নিজেও নিজেকে সেঁধিয়ে দিয়ে অভ্যন্ত হতে পেরেছে কোনো কোনোটার সাথে।

কিন্তু খড়ের গাদায় প্রায় উদোম দেহটাকে পেতে দিয়ে, আসি আসি শীতের মৌজগকে যে পাগল বুঁদ থাকত, ছাউনির নিচে এই ঝুরুতেও যে যাই যাই বৃষ্টির কনকনে দমকটাকে কাঁথার নিচের আঙ্কার উভাপে শয়ে মমতার সাথে উপভোগ করত— তার প্রধান শক্ত হয়েছিল রাজধানীতে আসার পর আসন্ন শীতকাল। সে একমাত্র তাল মেলাতে পারে না এই শহরে প্রকৃতির সাথেই।

ততদিনে তিনি বাক্ষাসহ ফিবছর সন্তান বিয়ানো স্ত্রীকে গ্রামে রেখে এসেছে সে অনেক আগেই। ধাঙ্কাবাজ বন্ধুর পাণ্ডায় মিশে গীজা-ফেনসিডিলের ব্যবসা করেছে। কচকচে টাকার স্বাপে নাক ডুবিয়ে চক্ষে যখন ঘূম ঘূম... বড় ছেলে যেন মহাদিঘির ওপার থেকে ডাক দিয়েছে— আবু... আ... আ...। স্নায়ুর বিজ্ঞে চমকিত হয়ে হা হা হাসিতে ফেটে পড়ে মতলব একসময় ঘুমিয়ে পড়েছে।

একেবারে হাতাতে ঘরে জন্ম নেয়া মতলব বেড়ে উঠতে থাকা বয়স থেকেই কী জানি কোন অজ্ঞান কারণে নিজেকে অন্যরকম বোধ করেছে। তার বয়সি সবাই যখন ভাত-মাছ আর মুজলাসুফলা, শস্যশ্যামলা স্তুর খোয়াবে বিভোর, তখন তলপেটের উদোম খিদায় পাগলপ্রায় মতলব শুকনো মুড়ি দিয়ে নিজেকে থামিয়ে দীঘির ওপারে উদাস বসে থেকে দূরের পথে চেয়ে থেকেছে। তার রক্ত কণিকায় ধারাবাহিক ক্ষৰণ—না, এই জীবন না, কেবল স্তুর-স্তান আর গেরামে পড়ে পড়ে মরণ না। যত এইসব শূন্যতার ধেরাটোপের ফাঁসে সে আটকা পড়েছে, ততই ঝতুর পর ঝতু তার চামড়া, ইন্দ্ৰিয় আঘাত মধ্য দিয়ে বয়ে গেছে আউলা বাউলা নদীর মতো।

একবার যখন ঘোর বন্যা গ্রামে, স্তুর গলায় পেঁচিয়ে থাকা সাপটাকে দস্যুহাতে দূরে ছুড়ে ফেলে মাঝ রাতে জীবনের জন্য সে গ্রাম ছেড়েছে... যতই সে দুরবর্তী... ততই চৱম বিশয়ের মধ্যে আবিকার, স্তান, স্তুর-কারো জন্য তার মাঝা নেই; বরং নিজেকে শ্যাওলা বরানো দ্বাদীন, মুক্ত মানুষ মনে হচ্ছে।

এর পর এই শহরের সবচেয়ে জনবহুল বাক্তিপূর্ণ যানজটময় এলাকার সুতীব কোলাহলের মধ্যে নিজেকে সেঁধিয়ে ঢৰ্মে ঢৰ্মে অনুভব করেছে, এইসব শব্দের গরমে তার অঙ্গত্ব থেকে গ্রামের নির্জনতার যা কিছু অবশিষ্ট ছিল, পিচালা পথের খেপামোর মুখে গলে গলে পড়ছে। বিড়ালের মতো চক্ষু-কান খাড়া করে রাখলে ওস্তাদ মিলতে কী আর অসুবিধা? গেরামের এক দোষ্টের সুবাদে ওস্তাদের নজরে— এর পর ফেনসিডিল... গৌজা... কালো ধোঁয়া... লাল ধোঁয়া... ইন্দুরচালাকি শিক্ষা... বরগরগে ব্যবসা... বেশিরভাগটাই ওস্তাদের দখলে যদিও, মতলবের মধ্যে তাই অহৰ্নিশ বচবচ!... ওভার ভিজের ওপর দাঁড়িয়ে, ওস্তাদ তাকে এই শহরের উইয়ের মতো কিটকিটে রিকশা দেখায়... এদের জন্মবৃত্তান্ত, সারা দিন কষ্ট, কষ্টের ফল... তার পাথরখচিত আঙুল ছলে যায় প্রকাণ বিভিন্নয়ের দিকে, সে পানচোক গিলে মতলবকে জানায়, মাসে পঞ্চাশ লাখ টাকা যাদের ইনকাম, তাদের চাকরেরা সারাদিন কুকুরখেটে পায় একশ' টাকা।

কী কালা তুফান আইল যে এই শহরে! টিনের চালটা যখন উড়ি উড়ি, মতলবের কলজেতে ডয় নেই, কেবল বিরক্তি, এই রকম আসন্ন বৃষ্টির শ্রাণ তাকে ঝাপসা ঝাপসা শ্বরণ করিয়ে দিতে চায় স্তু-স্তানের মুখ। একবার যা পেছনে ফেলে আসে, কোনো অবচেতন রজাকু ক্ষৰণ থেকেও মতলবের সেই পা পেছনে চলে না। নিজের জন্ম, বিয়ে স্তান কিস্সু তার ইচ্ছে অথবা অপ্রয়ত্নে হয় নি। ঠোটে লকার এঁটে সৃষ্টিকর্তার কারণে পয়দা ইওয়া মানুষ হিসেবে হেঁটেছে, শুমিয়েছে। কিন্তু রাতদিন তার ভোঁতা কোষে নতুন পানির পোনা সাঁতোয়া— মতলব, এই জীবনে কোনো মজা নাই... কী নিখর মহায়ার শ্রাণ ইন্দ্ৰিয়ে ইন্দ্ৰিয়ে আওন ধৰায়—আৰো আ আ... বধে ছোট ছেলে যখন কেঁদে ওঠে, নিজের অস্তৱাঙ্গার ভূমগল ফুঁড়ে সেই মতলবের প্রথম ষেন্না— ক্ষাড়ায় তার আৰাবো! আমি কেউ না... কেউ না... বদতুফানের লগে আমি উড়ুম... সেয়ানা মাইয়াগো শহিল্যে জিন হৈয়া আছৰ কৱণ।

শেষ দিকে গ্রামে তবু লেগে বসে থাকা লোকটাকে দেখে স্তীর সন্দেহ যখন  
ঘনীভূত হত, স্বামীটা আসলেই পাগল হয়ে যাচ্ছে কিনা... তখন প্রথর বন্যা... স্তীর  
কঠে কুণ্ডলী পাকিয়ে হাঁটতে থাকা মনসা—।

একটি ঘৃঢ়ুচে ক্রেতাঙ্গ গলির ষে কক্ষে বসে তার নগরের ভাত, কাপড়—  
সেটাকে কক্ষ না বলে চিপাচিপি ট্যালেট বলাই উত্তম— পার্থক্য, এটাতে কমোড  
নেই। টেবিল পেতে বসে দিনভর সিঁড়েট টানা আর আতিপাতি শ্যেনচক্র পেতে  
অপেক্ষা— কখন নেশাপাগল চেনামুখের কাটমাররা আসে। স্থানীয় পুলিশ,  
মস্তানদের ভাগ দেয়ার পরও ফেনসিডিল বলে কথা, বিশ্ব আর লাভ দুইটাই মার মার  
কাট কাট... মালিকের ব্যবসাটা বুঝে যাওয়ার পর দায়িত্বশীল কর্মকর্তা আর  
সেলস্ম্যানদের যেমন ভেতর জুলুনি হয়— হালা, ট্যাকা থাকলে আমারে একশ' দিয়া  
তুই পাঁচ লাখ ! আমার বুদ্ধি আর কেরামতির কল্পাডার মইদ্যে ঠ্যাং রাইখ্যা কিনা  
তুই... ?

সেই জুলুনি অহনিশি মতলবের মধ্যেও বলক তোলে। ওর ওস্তাদের ব্যবসা  
শহরের এ রকম অনেক অলিগলিতে বিস্তৃত। তারপরও অন্য অনেক শাখাপ্রধানদের  
না নিয়ে তারি মৌজের সময়টাতে ওর ওস্তাদ ওকে যখন নিজের বিনোদনের বিশ্বাসী  
সঙ্গী করে, তাতে বেতনভুক্ত মতলবের যত্নগার মধ্যেও চটক টস্টসিয়ে উঠে। বিরাট  
পর্দায় বু ফিল্ড দেবে একদিন মালিকের পাশে বসে যখন মতলব শরমে কাহিল, ওর  
উর্বতে বড় বসিক চাপড় মেরে মালিক বলে— তব অবস্থা তো বেগতিক বে, ল,  
আসলডাত যাই!

মতলবের কোঁকড়ানো দেহ যত কাঁথার নিচে গুটিঞ্চি, তত বাইরে লাগামহীন  
বৃষ্টির চিরচিরানি। প্রভাতে উঠে মতলব দেখবে প্যাক পানিতে বাড়ির সামনেটা গলা  
সমান ভুবে আছে। সেই গঙ্কের তোপ তার চেকির নিচে চুকে তাকে বিদিকিছিরি  
এক নাওয়ের মধ্যে বসিয়ে রাখবে। পাশের বক্তি যেন মরণ নেমেছে।

রাতভর হাউকাউ করা মানুষগুলো কি এ-ই শু গকের মধ্যেও হেমন্তের বাতাস  
নাকে পেয়ে টাসকি মেরে আছে ? টিনের চাল বেয়ে বর্ধার আহারে সে-কী জীবনবিনাশী  
রোদন ! বেড়ার সাথে টেপ লাগানো লাইটের বাল্ব রাংতায় ঘোড়ানো। এরই বিজুরিত  
আভায় সে চারপাশ ভুলে যাওয়া বিলাসিতায় কত কায়দায় ষে নিজের হাত-পা দেখে।

মতলব মতলব রে...। তুফানে যে বেবাক ভাসায় নিল... আঝারের কুণ্ডলী থেকে  
খনখনে দানির কঠ আত্কা কোথেকে উড়তে উড়তে আসে... দু'হাত দিয়ে সে কান  
চেপে বক্স চোখ দুটো পঁচপ্যাচে ভুলোর মধ্যে ছেসে দিতে থাকে। ফিলকি দিয়ে  
ওঠে বেহলার দেহ... একেবারে উদাম ! বোকেও সে কখনো আস্ত দেখে নি... ওস্তাদ  
যখন তার চিহ্নিত রূপসী নগরীর কোঠার দিকে যাচ্ছে, ওকে নিয়ে টানাহেঁড়া চলছে  
বেশ্যাদের মধ্যে, তখন ওস্তাদকে টাসকি মেরে দিয়ে বেড়ায় হেলান দিয়ে কঠিন  
চোখে শুর দিকে তাকিয়ে থাকা সবচেয়ে কুৎসিত মেয়েটাকে সে পছন্দ করে।

নিজের কল্পনাশক্তির তারিফ করে মতলব। মেয়েটার চেখের কাঠিন্যহই তাকে টানছিল, আর পাঁচটা মেয়ের মতো ও ভাতের খিদায় নিজের দেহ দেখার জন্য ওর সাথে ফক্ষিন্দার মতো ব্যবহার করে নি। বেশ্যা যদি বিছানায় গিয়ে বেশ্যাপনাই না করে, ঘরের বৌ-য়ের সাথে তার পার্থক্য কী !

থ্যাবড়া, মোটা, থলথলে শরীর, চেপ্টা নাক, এর নিচেই ল্যাপটানি কাজল আর দিশি পাউডারের গন্ধ! ওস্তাদ যতক্ষণ ওই ঘরে, এই ঘরে মতলবের ততক্ষণহই ফিরি আধিপত্য! সে ওই বুলু ছবি দেখার মতোই মেয়েটাকে নানা কায়দায় ব্যবহার করতে করতে জীবনের চৰম মৌজের আনন্দে শিস দিয়ে উঠে— হালার বউয়ের টিৎ টিংসা শইল্যের সাদা দেখতে দেখতে শইল্যের মহিদেয়ে গিট্টু জইম্যা গেছে, কালা শইল্যের মহিদেয়ে যে আক্ষারের মজা... হেই মজা কি আর...!

দরাম... কাঁথার তলা থেকে কাঁপতে কাঁপতে উঠে বসে সে। ঘরের পাশের নারকেল গাছের ডালটা তার চালে তো নয়, সাক্ষাৎ যমদৃত হয়ে যেন তার কলজের ওপর আছড়ে পড়ল। তার তিল তিল হতে থাকা লোহাদৃঢ় শিরদাঁড়া আচমকা এক কাঁপন থায়। বাইরে বাড়ের গর্জন নেই, শুধু হৃষি শীতগক্ষের শিরশিরানি... তাহলে ? লাল-নীল আলোয় কী এক কুহকে বিছানা হাতড়ায়।

বিদ্রমের জাল ছিড়ে যায় তিতকুটে এক বিস্বাদে। কানা গোলার নাম পদ্মলোচন! বেশ্যার নাম আবার বেহলা! নাগরীর শরীরের কারিশ্মায় পাগল হয়ে মতলব যখন তাকে বিয়ে করে ঘরে আনে, ক্ষণ আগের শ্যাওলা খসিয়ে বেহলা কুলবধূ হওয়ার স্বপ্নে বিভোর হয়ে পড়ে।

শ্যাম্পু চুলে চিপচিপা করে নারকেল তেল মাখে হাঁস মার্কা, যে গোল নাকছাবিটা তার চেহারার মধ্যে একটা খ্যামটা ভাব এনেছিল সেটাকে উড়িয়ে ফেলে লম্বা শাড়িতে গতর চেকে জবুথবু সলাজ হাঁটে।

এদিকে ব্যবসাপাতির অবস্থা খারাপ। চেনামুখ ছাড়া সাধারণত মতলব কাউকে ফেনসিডিল দেয় না। পাড়ার রেঙ্গুলার কাস্টমার এক বড় সন্ত্রাসীদের সাথে এক লোক এসে অর্ডার দিয়ে যায় পাঁচ 'শ' 'আট ইঞ্জিন'। ব্যাটা 'আট ইঞ্জিন' 'ডাল' এসব শব্দ ব্যবহার না করলে তা-ও কিছুটা সন্দেহ হতো তার। বলল সন্ত্রাসীর বাড়িতে সন্ক্ষায় পার্টি হবে। অন্যত্র লুকানো বাল্ক থেকে, মাটির তল থেকে সন্ধায় সব প্যাকিং করে এখানে আনার পরই পুলিশের হামলা। স্বরাষ্ট্রমন্ত্রী নিজে ছিল মোড়ের গাড়িতে, সন্ত্রাসীর সাথে ছিল ডিবির লোক। মতলব তো গুরু পেয়ে পিছন দরজা দিয়ে নাপাস্তা! সাথেরটাকে ধরে নিয়ে গেছে, নবৰই দিন হাজতে পড়ে থাকার পর বিচার!

বুকিয়েচুরিয়ে কিছুদিন কাটিয়ে, মাথান্যাড়া করে লেবাস পাল্টে ফের ওস্তাদের চৰণতলে। ওস্তাদ আশ্বাস দিয়েছে, কিছুদিন গুরুমিডা যাইবার দে। চাকরি না থাকলে কী হবে। ওস্তাদের সাথে তার আনন্দ বিনোদন ঠিকই চলছে! এর মধ্যেই এক মাথা গরম করা চিরিকের ফেরে পড়ে কী করে সে বেশ্যাকে বিয়ে করে ফেলে নিজেও বুঝে উঠতে পারে না!

কচি লাউডগা ফেনিয়ে উঠছে মাচার পথ ধরে। আসন্ন শীত বৃষ্টির ভূত মতলবের নিষ্পাসে নিষ্পাসে, শিরায় শিরায় কী জনি কী করে। প্রভাতে জেগে ওঠা ভাসমান নগরীর হাউকাউয়ের মধ্যেও মেঝে ছলছল জলের দিকে তাকিয়ে সে বুঁদ হয়ে থাকে।

স্তৰ গলায় পেঁচিয়ে উঠছে সাপ, সন্তান তিনটি ঘুমন্ত অবস্থায় শুকনো ঠেঁট চাটছে। লোকজন দিয়ে তার গ্রামের স্তৰ-ও আড়িপাতি খৌজ লাগিয়ে স্বামীর ঠিকানা পেয়ে দু'দিন পর পর একে ওকে দিয়ে তাকে খবর পাঠাচ্ছে। শেষে হৃষকি দিয়েছে—  
দু'একদিনের মধ্যেই সে সন্তানসহ তার মাথার ওপর এসে বসবে।

নাহ... এই এলাকা ছেড়ে অন্য কোথাও ঘাপটি মারতে হবে, তখনো বৃষ্টিটা অত জঁকিয়ে নামে নি। কিন্তু যত রাত বাঢ়ে, তত তার মাথার কোষ পাগল বাতাসের চারণভূমি। নিজের ওপর ঘেন্না জমে। নিষিদ্ধ জিনিসের দিকে প্রতিনিয়ত হামলে থাকা সন্তাটাকে মনে হয় গনগনে চুল্লির মধ্যে ঠেসে দেয়।

আহারে বেহলা!

মনে পড়ে মতলবের, বিয়ের পর পর তার মধ্যে অগ্নিচুলির লড়াই। একটাই ঘর, ল্যাপটালেপটি ফেনসিডিল ব্যবসার বন্ধুবান্ধব, বৌ-কে সে পায় না। এদিকে তার তহবলের খুঁটিতে টান পড়েছে, ওদের যদি যাওয়ার নাম থাকে! ওস্তাদের চালা সব শালা।

ক্ষণে ক্ষণে ধিকিধিকি দিয়ে ওঠে নিকটবর্তী শৃতি। প্রভাত প্রগাঢ়তর হতে থাকে। বৃষ্টি এখন বিরাম নিতে গিয়ে হাঁপাচ্ছে। তারই নিষ্পাসের জল রাঙা আলোর ধারা বেয়ে বেয়ে মতলবের কাঁথা ভিজিয়ে দিচ্ছে। আঞ্চলিক চলে গেলেও বেহলার বদল নেই। আজব মেয়েলোক, স্বামীর কাছে ভাত-কাপড় কিস্মু চায় না, কুলবড় হতে চায়। বিছানায় রাঙা আলোর নিচে মরাটে বাইম মাছের মতো গতৰ বিছিয়ে তার গড়ানি আছড়ানি ফুসফুসানি কান্না— আমারে ওই লাহান চাহিয়ো না, ওই লাহান ঢং আমি দশ মরদের লগে করছি... এরপর ভোরে গোসল সেৱে চা, ভাত খেতে বসলে পাখা দিয়ে বাতাস করা...

মতলবের ভেতর ঠেলে বামি উঠতে থাকে, এই রকম ম্যাদা মার্কা বেশে কোনো কালীভূতি মাগিকে কারো সহ্য হয়? লড়াইটা ভেতরে ধিকিধিক এ জন্য, ভেতরে সহসা চাপিয়ে ওঠে এক্ষেত্রে গ্রামে ফেলে আসা স্তৰ বাঁশপাতার মতো কম্পিত মুখ! ওস্তাদের বাড়িতে বউকে নিয়ে বড় ক্রিনে ছবি দেখে হলে বাংলা ছবি দেখতে যায় দু'জন একসাথে। ততদিনে রাতের স্যাতসেতে বিছানায় সে ক্রমশ নেতৃত্বে পড়েছে, এই ছবিতে হেভি একটা রেপ সিন আছে। বেহলাকে কানে কানে বলে— আমার লগে বিছানায় এই রকম নাটক করবি, আমি তবে টানতে থাকুম... তুই ওই দেখ, ওই মাইয়াডার মতোন আছারি বিছারি করবি। বড় ক্রিনের এই রগরগে দৃশ্যে সে যখন উত্তেজিত, ডরভয়ে কাতর বেহলা মূর্ছা যায় যায়।

সেই রাতেই মাগিকে রাস্তার মধ্যে লাখি দিয়ে ফেলে মতলব নিজের দরজা এঁটে দিয়েছে। রাতভর গা ছমছম বিরক্তি, এই বুঝি বেহলা বিড়ালের মতো পিলপিল হেঁটে ওর দরজায় আছড়ে পড়ে!

সেদিন প্রভাত রোদুরে মতলব হাঁপ ছেড়ে বাঁচলেও ভেসে উঠেছে পতিতাপল্লীর ঘরের সামনে দাঁড়ানো বেহলার কঠিন চোখ। তখন বুকের ভেতর তার অন্য এক অনুভূতি শিরশির করেছে, শরীর বিকোলেও বেহলা নিজ চারিত্রে দেমাক বিকোয় নি।

আর আসে নি সে মতলবের জীবনে।

মৃক্ত জীবনে এরপর ফের ফেনসিডিলের ব্যবসায় ওত্তাদ বড় ধাক্কা খেয়ে একেবারে মরণ ভাগ্য দিশে...একদিন জরুর ধরা খেয়ে আহারে! পুলিশের হাতে এমন মা'র খেলো, আন্ত মেরুদণ্ডটাই বাস্তবিক অর্থে ভেঙ্গে কুঁজো হয়ে গেল। এরপর থেকে দিন রাত মাস গড়ালে নানা ফিকির করে জীবন বাঁচাতে বাঁচাতে এই ঢিয়ে পাখির ব্যবসা। কিন্তু মানুষ চালাক হয়ে গেছে। কোনোরকমে এই টাকায় পেটটা চলে কিন্তু ঘরের ছাদ মেলে না।

তন্দ্রায় শুমড়ে শুমড়ে ওঠে মতলব... তার পাশে শয়ে আছে রাখাল... শেফালিকে সে কি বেহলা ভেবেই ধ্রুণ করেছিল? চারপাশে ধূধূ বাতাস... সে শুনতে পায় নিদ্রাহীন রাখালের গান— আমি একদিনওনা দেখিলাম তারে...।

সে ধাক্কা দেয়... এই শুমাইতে দিবি?

রাখাল নিচে পড়ে গিয়ে আবার চেষ্টা করে নিজের জায়গা দখল করার, আপনি এই সব কী করেন? আপনের মতো আপনি থাকেন, আমার মতো আমি...।

দূর... মতলব কাঁচুমাচু হয়ে ঘুমিয়ে পড়ে।



উড়াল বাতাসে দূরদূর করে এমনই একটি গগনব্যাপী লক্ষ পাতাসহ দাঁড়ানো প্রাচীন বটগাছের নিচের তরঙ্গপোষে তাদের বাস। হাম পাতাল থেকে জোসনার ধবল মুখরতা কিংবা বিছেদের রক্তাঙ্গ বেদনা নিয়ে চেউ খেতে খেতে, পাক খেতে খেতে প্রথমে শহরের একটু এই প্রাঞ্চের বৃক্ষটির নিচে রাখালই আশ্রয় নিয়েছিল। কিন্তু এখন ক্রমে নিজ চাতুর্যে আর রাখালের বোদাই স্বভাবের সরলতায় তারই পাশে রাস্তিরে চিপাচিপি আশ্রয় নিয়েছে মতলববাজ। প্রথমে মিনমিনে কঠ ছিল তার, আরে ভাই, আপনি ব্যবসা করেন, ঘর রাইখ্যা ক্যান আপনি রাস্তায় আইসা পড়লেন? ভিখিরির এই কথায় একেবারে চিড়েভেজা কঢ়ে বলত, ব্যবসা ভালো যাইতাছে না ভাই, ঘরভাড়া বাকি পড়ায় বাড়িওয়ালা ভাগায়া দিছে।

এইখানে তো শুনি ভালোই হাঁকড়াক আপনের।

বুঝলে না... রাখালকে একেবারে ব্যক্তিত্বের ন্যূনতম ভাঙচূড়া অতলে ফেলে বলে মতলববাজ, ভিক্ষুক গো আইজকাইল পয়সা অনেক, অঙ্গ, ল্যাংড়া হইলে তো কথাই না। তা আমার তো অঙ্গ, ল্যাংড়ার যোগ্যতা নাই, বুঝলা, তুমি তো ভাইজান এই ব্যাপারে ফার্টকুস ফার্ট যোগ্যতার, তো এই গাছের তলে ক্যান?

কী করে বলবে রাখাল, যখন সে ফের জীবনের নতুন পথে উল্টিপাল্টি চেউ খেয়ে কোথাও নিজেকে জৃৎ করতে পারছে না, এই গাছের নিচে এসেই পাশের শস্যক্ষেত্রে ধেইধেই ঘেরাণে সে মা'র বুকের গন্ধের, জোসনার হাত স্পর্শ— মায়ার গন্ধে কী আরাম জিরোনই না দিয়েছিল।

আসার আগে জোসনা বলেছিল, আমার বাবা মা দুজনাই জন্মাব আছিলেন। আমার চাকু দিয়ে তারা পৃথিবী দেখত, আর আমি তাদের চোকে দেখতাম পৃথিবীর অসীম মায়া... এরপর কথা এগোয় নি। জীবনের মায়ায় না পড়ার বাধনে যখন দুজনের বিদায়ী হাত দুলছে, তখন জোসনা বলে, তোমাকে আর ভিক্ষা করতে হইব না, তুমি বাঁশি বাজাইবা, আর বেবাক মানুষ তা শুইনা তার সম্মানী দিব। কেন এই ভিক্ষার জীবন তুমার?

জোসনার মুখে ফের তুমি সম্মোধনে তেতরটা অপার্থিবতায় সহসা ভরে উঠলেও ফের দূমড়ে গেছে, হায় বাঁশি! সেই সুর কি আর মনে আছে? তবে একবার সাঁতার জানলে মানুষ অনেক অতল পানিতে পড়ে পানিকে প্রথমে তয় পেতে পারে, কিন্তু সাঁতার ভোলা তো অসম্ভব।

କିନ୍ତୁ ମେ-ତୋ ତାର ବାଣିକେ ଅନନ୍ତ ଛୁଡ଼େ ଦିଲ୍ଲେ ଜୀବନେର ଅନେକ ଦୂର ପଥେ ଚଲେ  
ଏସେହେ । ନା, ଆର ଫେରା ଯାବେ ନା ।

ଆମାର ତୋ ଠିକାନା ନାହିଁ । ଏହି ଜୀବନେ କୀ କଇରା ଆର ଜାନା ହଇବ ଆମରା କେ  
କେମୁନ ଆଛି ?

ଅତଳ ଓପାନ୍ତର ଥେକେ ଭେଜା କଟେ ବଲେ ଛିଲ ଜୋସନା, ଆମାର ଭେତରେ ଯେ ଗାନ  
କରେ ଲାଲନ, ତୋମାର ଭିତରେ ଯେ କାନ୍ଦନ କରେ ଲାଲନ— ହେଇ ଦେଖା କରାଇବ ।

'ଆର କୀ ହବେ ଏମନ୍ତ ଜନମ ବସବ ସାଧୁ ମିଳେ, ହେଲାଯ ଫେଲାଯ ଦିନ ବୟେ ଯାଏ ଘରେ  
ଶିକ କାଲେ... ।'

ବୃକ୍ଷ ବାତାସେ ତୁଫାନ ଉଠେ ।

ମା'ର ଶାଢ଼ିର ରଙ୍ଗ ସବୁଜ ଆଛିଲ,

ବାପ ହାସିର ରଙ୍ଗ ମଧୁର ଆଛିଲ ।

ଜୋସନାର ରଙ୍ଗ... ?

କୀ ହେଇଲି ଜୋସନାର ? କୁଥାଯ ତାର ଅନ୍ଧ ବାବା ମା... ଭେତର ଉଥିତ ରାଖାଲେର ଏହି  
ପଶ୍ଚେର ପରେଇ ଆକାଶେର ହିମ ଧରେ ବୃକ୍ଷ ପାତାର ସବୁଜ ଗଡ଼ିଯେ ଶୀତ ବାତ ନେମେ ଆସେ ।



সকাল হয়।

রাখাল ভিথিরি থালা নিয়ে নিশ্চল বসে। আর পাশে মতলববাজ তার সমন্ত দেহ আর মনশক্তির চিংকারে শুরু করে তার টিয়ে ব্যবসা জাতুর কেরামতি। তার সামনে রাজির চিঠি। একটি টিয়ে পাখি হাঁটে চিঠি খামের ওপর দিয়ে। সামনে গভীরভাবে পর্যবেক্ষণ করছে এক ভদ্রলোক, যেন সতর্ক চোখে নিজ জীবনের আগাপাস্তলা মেপে জেনে নিতে চাইছে। ভদ্রলোকের হাতে আজকালকের জমানার সন্তা ‘দশ’ টাকার নোট। টিয়ে পাখিটি এসে একটি চিঠি মুখে তুলে নেয়। চিঠিটি যখন মতলব মিয়া হাতে নিয়ে ঠোটে নানারকম হাসির ভঙ্গি নিয়ে নিশ্চুপ... রাখাল ভাবে হে সৃষ্টিকর্তা, বধির হেক আমার কান, কিন্তু পরম্পরেই টুং শব্দের ফকিন্নি টাকা নয়, তার হাতে যখন কেউ গুজে দেয় পাঁচ টাকার নোট বলে, দোয়া কইবেন, বড় চাকরির ইন্টারভিউয়ে যাছি... প্রথমে পাঁচ টাকার নোটের ওজন বুঝে লুঙ্গির সাবধানী কুঁচকিতে তা রাখতে রাখতে সে অসীম দোয়া করে দানপ্রার্থীর প্রতি... তখন অপরপাশের ভদ্রলোকের সামনে টিয়া পাখি কী তুলল? ভীষণ সহনীয় মতলববাজ নাটকীয় ভঙ্গিতে নিশ্চুপ।

এরপর তাকে আর নিঃশব্দ টেনশনে না রেখে মতলব বলে, প.. র.. এ সৌভাগ্যবান। ফের থেমে সে শহুরে কায়দার দক্ষ ব্যবহার ঘটানোর চেষ্টা করে, ইমপসিবল লেখা। এমন সৌভাগ্য ক'জন মানুষের হয়?

লোকটি নানারকম বিভ্রান্তির মধ্যেও কিঞ্চিৎ উত্তেজক, শুধু এইটুকুই?

এই এলাকাতেও এইসব টিয়েপাখির কায়দাকানুনের প্রতি অগ্রহী মানুষের ক্রমশ ভিড়। মতলববাজ তার রণ করা তীব্র চোখ ভদ্রলোকের প্রতি বিস্তারিত করে, আরে আপনে হইলেন শিক্ষিত মানুষ, ক্যান জানেন না, অল্লে কইলে মর্দে বুঝে, বেবাকুকু কইলে অবলাও বুঝে না।

ভদ্রলোক এরপর বেশ ইতস্তত কঢ়েই বলে, অবলা মাইয়াদের অত অবহেলা কইলা ক্যান কথা কন? মাইয়া জাতি যা পারে...

ও বুঝছি তাই, মতলববাজ কায়দা পাল্টায়, মাইয়া জাতিরে শুন্দা করেন আপনি, নাকি ডরান?

আরে, আপনে আমার ভাগ্যে যা দেখছেন, তাই কন!

আচ্ছা! আচ্ছা! এইবাব খানিক খিম মারে মতলববাজ। আর রাখাল ভিথারি প্রথমে তার অবস্থা দেখে ভেতরে খানিক দমকে হাসে, শেষে গায়, খাঁচার ভিতর অচিন পাখি কেমনে আসে যায়... বলে নিজের শূন্য থালায় হাত বোলায়।

মতলববাজ বলে, আরে ভাই, আগেই তো কইছি, আপনে হইলেন গিয়া শিক্ষিত মানুষ। হের পরেও মানুষ যদি বেবাক জানত, সবচেয়ে আগে জানত তার মরণের আর কত বাকি? এক মিনিট না এক মুগ? আপনের মনের ইচ্ছাশক্তি অনেক। আমি তো নিমিত্ত মাত্র, যা করতাছে হেয় হইল আসমান অরণ্যের উড়াল পক্ষী। হেয় যা তুলছে, আপনে পরথমে এই দেশের এমপি হইবেন, আর আস্তে আস্তে...

আরে শালা চাপাবাজি করছ? লোকটির মুখ ক্ষেপে বজাজ হয়ে ওঠে, আমি তোদের ধান্দাবাজি দেখতে চাইছিলাম। আইজ পাঁচ সাত বছর ধইরা একটা চাকরির জন্য জীবন এসফার-ওসফার করতেছি... ফুঁ: শালা এমপি... পলিটেশনিয়ান, রাজনীতিরে আমি ঘেন্না করি, ইচ্ছাশক্তি? খাড়া, বাঁচলে তোদের নামে পত্রিকায় ধান্দাবাজির রিপোর্ট লিখব। তোদের ব্যবসার লাল বাণি জালাব— বলে লোকটি গিজগিজ করে চলে যেতে উদ্যত হলে গলা চড়ায় মতলববাজ, আরে? ট্যাকা দিবেন না? আপনের জীবন লাটে উঠছে বইল্যা আমার ব্যবসায় পানি ঢালবেন?

পুলিশ ডাকমু? বলে মতলববাজের স্বীর্ণভিত্তি চোখের সামনে রাখালকে দুটাকা দিয়ে ভিড় অরণ্যের জাগতিক ভিড়ে হারিয়ে যায় ভদ্রলোক।



নিজ ঘরে রাত্রির গানে উদ্বেলিত জোসনা যখন জানালার কাছে যায়, আন্দাজ করতে পারে না রাত্রির বয়স কত ? হ্যাঁ ! মানুষের জীবন ! অন্তরাস্থা থেকে এই হাহাকার গলা উজিয়ে বের হওয়ার আগেই ধূঁকতে ধূঁকতে প্রচণ্ড ব্যথার বুক ফেটে যাওয়ার আগেই যেন বা সেটাকে বিন্যস্ত অথবা জোড়া লাগাতে দৃশ্যত বুকে চেপে বিছানায় উপুড় হয় ।

বাখাল... ভূমি বাঁশি বাজাও না কেন ?

ছটফট করতে করতে নিজের প্রাণ উত্থিত প্রশ্নে সে আকুল কানুর শুরুতেই শুনে সুর— সময় গেলে সাধন... হবে না... অমাবস্যায় পূর্ণিমা হয়... কেন সে ওই ছিন্ন রাস্তার এক অঙ্ক ভিখিরিকে এতটা স্পন্দন দিল ? সে কি তার বাবা-মা অঙ্ক ছিল বলেই ?

না, মানুষটার মধ্যে সে লালনকে দেখেছিল । প্রথমত তার বিধূস্ত রূপের মাঝেও ক্রন্দনহীন চেহারায়, যেন বা অনন্তে তাকিয়ে থাকা চক্ষু... দ্বিতীয়ত, তার লালনের গল্প করতে করতে ভীষণ নিঃশব্দ তাছিল্যে জোসনার কাছে নিজেকে ঠিকানাহীন ফেলে এই পৃথিবীর অনন্তে হারিয়ে যাওয়ার অনন্য ব্যক্তিত্ব । একজন ভিখিরির চোখ কী করে এত আপোসহীন তীব্র হয় ? তার দেহ সুষ্ঠাম হয় ? আবারো আগের ভাবনাই তার রাত্রির ভাবনাকে মুড়িয়ে মুড়িয়ে নিজের মধ্যে বিন্যস্ত করে, না, ও ভিখিরি না । ও ছন্দবেশে জন্ম নেয়া দুর্দান্ত লালন । নইলে স্বেচ্ছ পথ ভিখিরির কী করে এত ধৈর্য হয় ? অসহনীয় মারপিটের বজাঞ্জ ভাঙ্গনেও যাঁর চোখ থাকে জলহীন ?

যাব কথা ভীষণ সরল কিন্তু জাদুকরী ? জোসনার জন্মান্ত্র বাবা মা-ও তো ভিক্ষেই করত । এই পৃথিবীর বাস্তবতায় যেখানে একজন চক্ষুঘান লোককেও জীবনের পরতে পরতে হোঁচ্ট খেতে হয়, সেখানে কী করে তার বাবা যা— সেই দু'জন মানুষের মন চক্ষুর মিলন হলো, কী করে দু'দেহের মিলন হলো, কী করে তাঁদের কোল জুড়ে এলো জোসনা মেয়ে ?

অবশ্য শৈশব থেকে মোটামুটি যৌবন অঙ্কি তাদের হতদরিদ্র বাবা-মা তাদের মুখে দু'মুঠো অন্ন, মুন পানি খাইয়ে খাইয়ে বড় করে । জোসনার নানা-নানু বার্ধক্য রোগে ভুগতে ভুগতে মারা যায় । আর তার দাদা ও কঠিন রোগে ভুগে অন্য ছেলেদের যাড়ে ভর করায় জোসনার বাবা ছিটকে পড়ে এই পৃথিবীর নিষ্ঠুর একাকী বাস্তবতায় । যাহোক জোসনা বড় হতে হতে শুনেছে, দু'জন অঙ্ক বাবা-মা'র সত্তান হয়ে জোসনার চোখও হবে অঙ্ককারাঙ্কন, এই ভয়ে শিশুটি ভূমিষ্ঠ হয়ে একটু একটু করে বড় হওয়ার আগ পর্যন্ত কী মর্মান্তিক আতঙ্কেই না ভুগত দু'জন ! এ শহরের আসমান ছিল তাদের

ছায়া, মাটি ছিল তাদের শয্যা। যখন জোসনা অবৃৰ্ব আকুল দুটো হাত দিয়ে বাবা  
মা'র মুখ ছুঁয়ে বলত, প্রথমে মা... বাবা ডাক, পরে আমাল আকৰা সুন্দল... আমাল  
আমা সুন্দল... অপার্থিব আনন্দে ভেসে যেত তাদের মন।

এরপর ক্রমাগত মেয়ের চোখ দিয়েই তারা এদেশের গাছপালা পথঘাটের রূপ  
দেখতে পেত। কিন্তু এরকম চক্ষুশ্বান একজন কন্যাও বাবা-মা'র দৈনন্দিন কারণে  
তাদের মেয়েও পথের ভিখিরি হবে, এই নিয়ে যখন আকুল কানায় স্বামী-স্ত্রী ভাসতে  
থাকত, তখন একদিন পথের ধারেই যেন দেবদৃত... এইভাবে এক গাড়ি থেকে  
নামলেন এদেশের এক ধনাচ্য মহিলা। অনেক গঞ্জোচারের পর তিনি জোসনাকে  
পড়াশোনা করানোর দায়িত্ব নিলেন।

প্রগাঢ় বাত্রে মোবাইলে গান বাজে... নাথার দেখে শিরশির করে জোসনার বুক।  
হাসপাতালেরই ডাঙুর পরিমল দণ্ড। জোসনার প্রতি তার আকর্ষণকে কিছুতেই যে  
লুকাতে পারে না, সেই ফোনে কান পেতে জোসনা কম্পমান... ঘুমোন নি? এত রাত  
জাগলে দিনে রোগী দেখবে কে?

জেগে তো থাকো তুমিও, তুমি সারাদিন ডিউটি করো কী করে?

হিম হিম কাঁপে হাত, কানের কাছে মোবাইল তো নয়, শুকপঞ্চী, হট করে  
উড়াল দিয়ে কষ্ট নিয়ে যায় পরিমল দণ্ডের কাছে।

জোসনা বলে, আমি আর আপনি এক হলাঘঁ? আমি ধূলিকণা, শুকনাপাতা, মাঠে  
ময়দানে দিনরাত আমার উড়াল, আমার আবার ঘূম নির্ঘূম! পুজ আপনি ঘুমিয়ে  
পড়ুন, কাল হাসপাতালে দেখা হবে।

এমন কবিতার মতো কথা বললে ঘূমাই কী করে? নিজেকে এত ছোট করে বলে  
বলে কী করে যে এড়াও আমাকে অবাক লাগে, তখন ঘরে লালনের কষ্ট ছড়ায়িত—  
'পাপ-পুণ্যের কথা আমি কারে সুধাই... এই দেশে যা পাপ অন্যদেশে পুণ্য তাই...'।

ঠিক আছে তুমি লালন শোনো... আমি... সবি, বিরক্ত করলাম, পরিমল কথা  
কেটে দিলে গভীর রাত্রি জানালার ঘূমন্ত নগরীর নিভু নিভু বাতির মধ্যে চোখ রেখে  
কঠিন বিষাদে ডুবতে ডুবতে দেখে জোসনা, এর মধ্যে জলজুল করছে দুটি আলোক  
বগু... যেন বা রাখালের নিদাহীন চোখ।

এই দিগন্ত জোড়া শহর হজ্জাতের ভিড়ে রাখাল তুমি কোথায় আছো গো!

জোসনার ভেতর উঠিত প্রশ্ন শেষ হতেই আলোকবর্তিকা ছায়া করে  
কুয়াশাতেজা বৃষ্টির বিরঝির পতন শুরু হয়।



মধ্যরাত্। রাখালের ঘূমন্ত উষ্ণ তপ্ততায় হঠাৎ শীত মামে। সে প্রথম চমকের পর হিম শীত দেহে অনুভব করে তার পা পেঁচিয়ে পেঁচিয়ে একটি সাপ উঠেছে। মুহূর্তে রাখাল নিশ্বাস প্রাণহীন মরা গাছের মুড়িতে ঝুকান্তরিত হয়।

অকস্মাৎ... সাপ বলে মতলববাজ এমন চিক্কোর দিতে শুরু করে, রাখালের মরিয়া স্বরংক্রিয় হাত শরীর থেকে সেটাকে সজোরে টেনে দূরে ফেলে এমন আতঙ্কে ছুটতে থাকে, বেশ খানিকক্ষণ পর একটি জায়গায় স্থিত হয়ে লম্বা শ্বাস নিয়ে অনুভব করে, সমস্তদেহ দগ্ধদগে ঘামে ভিজে গেছে। আর দিকবিদিক ছুটতে থাকায় অক্ষে রাস্তার ভাঙ্গুরে তার পায়ে হাঁটুতে, কখনো শুষ্ঠা খেয়ে পড়ায়— হাত, কনুইয়ে ফালাফালা হয়ে ঘামের সাথে চামড়া ফুঁড়ে ভেসে উঠতে থাকা চাপ চাপ রক্তে সর্বাঙ্গ তেসে যাচ্ছে।

কিছুদিন হাসপাতালে থেকে জোসনার সেবায় শরীরে আগ্নাদ জমেছে। ফলে, এইটুকু আঘাতেই সমস্ত অঙ্গিতে এমন জুলন পুড়ন শুরু হয়, বীতিমতো কান্না পেতে থাকে রাখালের।

সাপটা কি এখনো তাড়া করছে তাকে?

ভয়ে ভয়ে পিছু হটতে হটতে টের পায় একটি গাছের মধ্যে তার পিঠ ঠেকেছে।

এত যন্ত্রণার মাঝেও সে দু'হাত মেলে রাত্রির দশা বুঝতে চায়। অমাবস্যা না পূর্ণিমা? কিছুক্ষণ দু'হাত ঘুরিয়ে মুড়িয়ে হাতের মধ্যে সে চন্দলোকের দ্বাণ পায়। জুলনতঙ্গ শরীর নিয়ে সে প্রার্থনা করে, হে চান্দের আলো, তোমার হলদি আমার বেবাক শরীলে মাইখ্যা আমার জুলন কমায়া দেও।

এইসব বলতে থাকে আর হিম দেহে প্রতীক্ষা করতে থাকে মতলব মিয়ার পদশব্দের। প্রহরের পর প্রহর ঘাস, মতলব মিয়া আসে না।

ক'দিন ধরেই অবশ্য মতলব মিয়ার মতলব বোঝা যাচ্ছিল না। রাতে তার পাশে শয়ে থাকা কাঠ শরীরের মতলবের মধ্যে বেন ঘোবনের জোয়ার বইতে শুরু করেছিল। তার পাশেই শয়ে রাত নাগরী শেফালীর সাথে সে কী রঙ চং তামাশার শব্দ। একই বিছানায় ঠাসাঠাসি অবস্থায় পয়লা পয়লা সেই নাগরী তত্পোর থেকে মতলবের সাথে গড়াগড়ি মাতমে কখনো ঝপাঝ ঝপাঝ মাটিতে পড়লে নাগরী ঝাঁঝিয়ে উঠত, আরে পাশে একটা ব্যাটা শুইয়া থাকে, এইটুকু জায়গা, তুমি অন্য জায়গার ব্যবস্থা করো।

আরে, ব্যবসাটা জমুক, তরে আমি... ।

হেরপরেও কী রকম য্যান লাগে, একেবারে আরেক ব্যাটার চক্ষের সামনে ।

চক্ষের সামনে য্যানে, তুই তো জানসই ব্যাটা অৰ ।

এইরকম আলাপচারিতার মধ্যে রাখাল অনুভব কৰত, ঘেৱা আৰ হত্ত রাগে তাৰ অন্তৱ্যায় আগুন ধৰে যাচ্ছে । একদিন তো গনগনে রাগে ফেটেই পড়েছিল, এইটা আমাৰ জ্যোতি, আমাৰ দখল আগে, তুমি অন্য পথ দেহো ।

আৱে ভালোই দেহি জবান ফুটতাছে । মতলব বিকথিক হাসে, আমি ভালা মানুষ দেইখ্যা, অন্য কেউ হইলে ঘুমের মইধ্যে বজায় ভইৱা এমূল দূৰে ফালায়া আইত ।

এইবাৰ রাখালেৰ রহস্যময় হাসিতে মতলব ঠাভা চোখে তাৰ দিকে তাকায়, হাসো যে ?

বিলাই চিনো ? এই এলাকাৰ বেবাক কিছুৰ গৰু আমি চিনি । গনগনে রাগকে থিতিয়ে নামিয়ে ধীৰ কঢ়ে রাখাল বলে, আমি ঠিকই বিলাইয়ের মতো দশ দুনিয়া ঘুইৱা আমাৰ জ্যোতি আসুম । বলেই অতল ঘুমে তলিয়ে যেতে যেতে বলে—

চান্দেৰ রঙ হলুদ আছিল

মায়েৰ ঘেৱান সবুজ আছিল

ভাতেৰ রঙ মধুৱ আছিল

জোসনাৰ রঙ শাদা আছিল... ।



তোর হয়।

সমস্ত শরীরের যাতনার ভাঁজে ভাঁজে সূর্য কিরণ ছড়াতে থাকলে নিশ্চল পড়ে থেকে থেকে যখনই সে তাবে বিড়াল পায়ে হেঁটে খুঁজে সে তার আস্তানায় যাবে, তখনই এক হিমভয় তাকে আড়ষ্ট করে তোলে তাকে। তার এতদিনের চেনা জায়গায় কোথেকে এলো সাপ ? তবে কি এ্যাদিন গাছের কোটায় ঘাপটি যেরেছিল ? সাপকে রাখালের ভীষণ তয় ? তবে কি মতলবও সেই সাপের ভয়েই ভাগা যেরেছে ?

বহু কষ্টে উঠে দাঁড়ায় রাখাল।

এরপর ফের জীবনে উল্লিখিত সাতার চিংসাতার করে শরীরের ক্ষত দেখিয়ে দেখিয়ে ভিক্ষে করতে করতে এক জায়গায় এসে তার কান থেকে সবহিন্দিয় সতর্ক হয়ে ওঠে।

এই তো তার বটগাছের নিচের স্থান, তার নিজ এলাকার আবাসস্থল। মতলব মিয়া তার ঢিয়া পাখির পসরা সাজিয়ে বসে দিব্য হাঁকড়াক করে যাচ্ছে। এর মাঝে এক ছোট কিশোরী পথ দিয়ে যাচ্ছিল তার মামার আঙুল ধরে।

আচমকা কিশোরীর উড়ন্ত পা রুক্ষ হয়, মামা, দেখো কী সুন্দর পাখি ! ওমা ! এ দেখছি উড়ে যায় না ; মামা ঢিয়াপাখি কাগজ ধায় বুঝি ?

মামা কিশোরীর মাথায় সন্নেহে আঙুল বুলিয়ে বলে, না মা, এইসব ঢিয়ে মানুষের ভাগ্য পরীক্ষা করে।

ভাগ্য পরীক্ষা করে মানে ?

এ তুমি বুঝবে না। আরেকটু বড় হও।

বুঝব তুমি বুঝিয়ে বলো প্রিজ।

তখনই মতলব মিয়ার কৃতকৃতে সতর্ক চোখ সামনে বিস্তারিত হয়, এই খুকি, তুমি কোন ক্লাসে পড়ো ?

কিশোরী বেণি নাড়িয়ে বলে, আমি ; ক্লাস সিঙ্গে।

মতলব মিয়া তার বান্দর মুখের হাসিটার মধ্যে যথাসাধ্য মাখন মাখন ভাব এনে বলে, তুমি বুঝি কেলাসে ফাঁস্ট হও ?

কিশোরীর মুখে আঁধার জমে।

মতলব মিয়ার টিয়া পাখি তখন তার কাজে লিঙ্গ হয়ে পড়ে, সে টিং টিং পায়ে  
হেঁটে একটি কাগজ ঠোঁট দিয়ে তুলে কিশোরীর সামনে গেলে রোমাঞ্চিত কিশোরীর  
সে-কী উত্তেজনা... মামা! মামা, টিয়া আমার জন্য কাগজ তুলেছে, দেখি ?

মামা হাল ছাড়া কঢ়ে বলে, তোকে নিয়ে আর পারলাম না, ঠিক আছে দেখ... ।

কল্পিত হাতে কাগজের ভাঁজ খুলে কিশোরী পড়ে,

‘ধৈর্য আর মন স্থির থাকিলে এই দেশের প্রধানমন্ত্রী হইতেও কেউ ঠেকাইতে  
পারিবে না’, উত্তেজিত কিশোরীর চোবে ভাসে একদিন যানজটে দাঁড়িয়ে থাকা তাঁদের  
রিকশা, তি আই পি রোডে পুলিশদের দৌড়াদৌড়ি... বাঁশির পিক পিক ফুঁ... এই  
রোড দিয়ে প্রধানমন্ত্রী যাবেন। কিশোরী ধেই ধেই নাচে, মামা মামা দেখো, টিয়া  
পাখি আমার ভাগ্যে কী তুলেছে।

মামা গম্ভীর হয়ে পকেট হাতড়ায়, অনেক হয়েছে, এখন বাড়ি চলো ।

স্থবির হয়ে পড়ে রাখালের পা। এই জগতে মানুষ এত খারাপ হতে পারে ?  
সাপে ধরা রাখালকে ঘোটেই খুঁজতে না গিয়ে তার আখড়ায় দিবির ব্যবসা পেতে  
বসেছে মতলব ? কিছুক্ষণ নিঃসাড় থেকে স্থিত হওয়ার পর রাখাল ফের অন্য অনুভবে  
পড়ে একা একা হাসে— আরে জীবনে এর চাইতে টাউটামি জুলন পুড়ন কম দেখেছে  
সে ? মতলবের এই ব্যবহার ওসব অভিজ্ঞতার মধ্যে এমন কী বড়, সে কেন বিশ্বয়  
বোধ করছে ? সেই অভিজ্ঞতার প্রভাবেই বরং মতলবকে হতবাক করে দিয়ে তার  
কাছাকাছি বসে সে... গায়, ‘বেঁধেছি এমনই ঘর... শূন্যের ওপর পোচতা করে...’

আহা... শৈশবে দুখী বাউল যখন বাঁশি শেখাত, কী কলজে ছেঁড়া দরদ দিয়েই  
না গাইত লালনের গান ! সেই গান জোসনা রাতভর শোনে ? পৃথিবীতে এত গান,  
এত সুর ? সব বাদ দিয়ে রাখাল যে গানে বাস করে সেই গানেই জোসনার বাস ?  
জীবনের এ কোন অঙ্গুত যোগসূত্র ? কেন সে জোসনার জীবন থেকে পালাল ? না,  
মাঝেমধ্যে সে ডাঙ্কার পরিমলের কঠ শুনেছে, কাজ করতে করতে জোসনার প্রতি  
পরিমল তার আকৃতি লুকাতে পারে নি। সেই পরিমল জোসনার প্রতি আরো মুগ্ধ  
হয়েছিল, রাখালের প্রতি জোসনার কেয়ারিং দেখে। রাস্তার একজন ভিথিরিকে নিজের  
প্রতিদ্বন্দ্বী ভাবার ন্যূনতম ভাবনা তার মধ্যে জাগে নি। জোসনা কি রাখালকে করুণা  
করেছিল ? ভাগিয়স সে বাঁশি শোনাতে চায় নি, নয়, জোসনা তাকে ঠিকই একটি বাঁশি  
ভিক্ষা দিত। লালনের গান শুনিয়ে সে জোসনার মন ভেজাতে চায় নি। সে ভিথিরি  
হয়েছে তো কী ? নিজের এইটুকু ব্যক্তিত্বকে বিক্রি না করার আল্লাদে নিজের মনে  
মনেই মজতে থাকে ।

আরে তুমি ? মতলব মিয়া ততক্ষণে নিজেকে খাড়া করে নিয়েছে। কালকে  
সাপের হাত থাইক্যা তোমারে বাঁচাইলাম ! আর হারাদিন কী খুজাটাই না খুজছি,  
মাইনসে ঠিকই কয়, আঙ্কা মানুষ ভালা হয় না। আইস্যা কই ভালো-মন্দ পুছৰা, না  
একেবারে লাফ দিয়া নিজের ধান্দায় বইসা গেছে ।

টঁ... পাঁচ টাকার কয়েন পড়ে ভিখিরির থালিতে, মতলব তার আগের স্বভাবে  
হাত বাড়াতে নিলেই তার পাঠশালার মতো টিঁ টিংয়ে হাতকে মচকে দিয়ে রাখাল  
নিজের নিমগ্নেই বলতে থাকে, কিশোরীর ফুক গোলাপি আছিল, ওর বোদাই মামার  
গেঁজি হলুদ আছিল, মতলববাজের রঙে ভেজাল আছিল :

কিছুক্ষণ হতবাক হয়ে রাখালের দিকে তাকিয়ে রীতিমতো রাখাল হামাঙ্গি দিয়ে  
এগিয়ে এসে ঠায় চেয়ে তাকায়, তুমি ক্যাডা ? সত্যই আক্ষা না, তঙ্গি ধইবা থাকো ?

হেইটা হাসপাতালের লোকেরেই জিগান... রাখাল নির্লিপি... বেশি বাড়লে খালি  
তো হাত মচকাইছি... একেবারে ঠ্যাঁ ভাইডা গাছের লগে লটকায়া দিমু !

হিতাহিত জ্ঞানশূন্য মতলববাজ আচমকা এরকম রূপ দেখে, ভয়ে ভয়ে চুপ  
মেরে ঘায় ।



ইতোমধ্যে অনেক দিন চলে গেছে। মতলব তকে তকে রাখালকে লক্ষ করে দেখে, এই রঙবাজ ভিথিরির জীবনের কোনো ধান্দা নেই। মাটির ওপর ভর নিজের অক্তৃকে চেপে বসে রোজগার করে, হাতড়ে হাতড়ে নিপুণ দক্ষতায় তা রান্না করে খায়, আর রঙের গল্প করে। অবশ্য আজকাল নতুন পরিবর্তন হয়েছে, সেই হাসপাতাল থেকে ফেরার পর, লালন গীতি গাইতে গাইতে রাখাল ফিসফিস কাঁদে আর জোসনা জোসনা বলেগি করে। কিন্তু অঙ্গ মানুষ, রঙ দেখতে পারে ? যেন নতুন করে এই ব্যাপারে সচেতন হয়। ফের হঠাৎ তার সন্দেহ ঘনীভূত হয়।

রাখালকে নিকটবর্তী করতে সে খুব মায়া মায়া কঢ়ে নিজের টুপির রঙের কথা জিজ্ঞেস করে।

রাখাল বলে হলুদ।

এরপর প্যান্ট, শার্ট আরো অনেক কিছু— এইবার সত্যিই তাজব মতলব মিয়া ভিথিরিকে জিজ্ঞেস করে, আপনেরে যারইপিট কইরা একেবাবে ভাঙ্গাইড়া মানুষ হাসপাতালে পাঠাইলো। কয়েকদিন থাইক্যাই একেবাবে থেমিকোর আদর পাইয়া সিদা খাড়ায়া পড়লেন। কাল দৌড়নির বাপটে যারা শইল্যের ছিড়া বিড়া রঙ একদিনেই শুকায়া মানে দিব্যি ফিটফাট হইয়া আছেন। আপনি কি কোনো ঝুঁ, না পীর ?

মতলব মিয়ার বিশ্বাজনিত 'আপনি' সঙ্গে কিছুক্ষণ স্তুক থেকে রাখাল বলে, আমি মানুষ।



এইভাবে দিনগুলি রাতগুলি যাচ্ছিল। একদিন কী এক থবর পেয়ে মতলব ঘিরা দু'এক  
রাতের জন্য শহরের বাইরে গেলে একাকী শয্যায় যখন জোসনার মায়াবী অথবা  
শরীরী গনগনে... অথবা... বিছেদের স্পর্শ... অনুভব করে, নিজেকে এফোড় ওফোড়  
করছিল... তখন তার সমস্ত শরীর চমকে উঠে... তার দেহের ওপর পাউডারের  
নিষ্প্রাণ দেহের একটি শরীর... তাকে আলুখালু আদর করতে করতে বলে, আমারে  
তুমি ঘিন্না করো ?

ঝাই ! কেড়া তুমি ?

আমি গো আমি... বলতে বলতে মেয়েটি বলে, আমি দেখতে এত কালা... এত  
খারাপ... কেউ আমারে পুছে না... মতলব... রাইতে একটু জায়গা দেয় বইল্যা বিনা  
পয়সায় আপোস করি... আর আহা... তুমার শরীলে তাগদ মরদ, কত গান ভালা  
তুমি গাও...।

রাখালের শরীর ওর উন্নাপে গনগনে থাকলেও হঠাৎ নিজেকে খুঁজে পায়, আপনি  
কী চান আমার কাছে ?

মন !

তাইলে শইলে উঠছেন ক্যান ?

নারীরা বেশি অবলা, অভাবে পড়লে নিজের শইল বেচে... শইল তহন জাগে  
না, ঠিক আছে, খারাপ লাগলে ধাক্কা দিয়া ফালায়া দেন আমারে...।

রাখালের নিভু নিভু মন জগ্নত হয়, অঙ্কুটি জিঞ্জেস করে, আপনের কোনো  
পরিবার নাই ?

না !

মাইনসের বাড়িতে কাম কইরা খাইতে পারেন না ?

আমার শরীর একটু ভারী... বাপ মা কবে মইরা গেছে... স্বামীগোরে নিয়া  
টেনশনে থাইক্যা কোনো বিবিসাইব আমারে কামে রাখতে চায় না ।

রাখাল একবার উত্তোজিত... আরেকবার ভয়ে মায়ায় শান্ত হতে হতে বলে,  
আপনের নাম কী ?

তখন রাখালের কানে ঠোট দিয়ে নিজের শরীর ধাবিত করতে করতে সে বলে—  
আহা... কী সুন্দর আমারে 'আপনি' কইরা ডাইক্যা দেহমনে ইজ্জতের আরাম  
দিতাছেন আহা।

হেই... মরণ মরণ অধঃপাতে তলাতে তলাতে রাখাল বলে, আপনে কে ?  
এরপর মেয়েটির মায়াবী স্পর্শে কাঁপতে কাঁপতে বলে, নাহ কী আগন্তুর ?

জোসনা !



জীবনটার মাঝে কেব উল্টি পাল্টি লেগে যায় রাখালের। এই মেয়ের নামও জোসনা? ইতোমধ্যে রাতভর কথা হয়েছে, দুজনের গনগনে উভাপে শরীর স্পর্শ হওয়ার পর জোসনা বলে পরিচয় দেয়া শেফালী বলে, আরে, আমাগো দেশে অনেক নামিদামি মাইয়াও কোটি টাকার পুরুষের কী জানি নাম? ভুইল্যা গেছি... না, মনে পড়ছে 'রক্ষিতা' তাই হইয়া থাকে... আর তুমি যেভাবে কাউরে তোয়াক্কা না দিয়া চলো, তোমার ব্যাপারস্যাপারই আলাদা, এরপর কুনদিন তুমার শইল চাইমু না... শইলে আমার ধিন্না ধইয়া গেছে।

রাখালের মাথা বৌঁ বৌঁ করে, সত্ত্বাই তুমার নাম জোসনা?

আরে সত্ত্বি, তিনি সত্ত্বি, ক্যান আপনের পছন্দ না?

না... না... রাখাল বিস্তুল বোধ করে

আমার এক সন্তান আর স্বামী বানে ভাইস্যা গেছে। আমি পেট ভরাইতে শরীল বেচতাম... বেচি...। হহ কান্নায় ভেসে যেতে থাকে এই নতুন পরিচয়ের জোসনা।

রাখাল তার দীর্ঘ জীবনের অভিজ্ঞতা থেকে বলে, তুমি মতলবরে ছাইরো না।

ক্যান? আমি ওরে আর আমার শরীল দিমু না।

খামকা চেতারো না তারে... নতুন জোসনাকে আদর স্পর্শ করতে করতে তার চোখের জল মুছতে মুছতে রাখাল বলে— এই ধান্দাবাজ দুনিয়ায় একটু ভাবনা চিন্তা, চালাকি কইয়া চল। তুমি আমারে বেশি পাও দিলে মতলব আমারে বুন কইয়া ফালাইব।

তুমারে বুন? নতুন জোসনার হসিতে ভূমঙ্গল কম্পিত হয়, তুমি জানো হাত পাও চোখওয়ালা মতলব তুমারে কেমন ডরায়, জোসনাকে সন্তর্পণে সরাতে সরাতে ভীষণ বিষণ্ণ কঢ়ে রাখাল বলে— তারপরেও আমারে নিয়া আর এক পা-ও আগাইয়ো না। বুদ্ধি দেই তুমারে, তার আগে তুমি মতলবরে হাতে রাইঝা যদি সৎ থাকো মনে, আন্তে আন্তে মতলব-এর কাছ থাইক্যা সইয়া আসো— আমার কথা রাখবা?

ঠিক আছে, রাখুম। আমরা এখন 'তুমি' 'তুমি' হইয়া গেছি না? আর তুমই এই জীবনে পয়লা কেউ যে জীবনে আমার দুঃখ বুবলা।

আশৰ্য মেয়েটি বেশ্যা কিন্তু তার স্পর্শে জোসনার স্পর্শের মতো মাঝা, নামও জোসনা।

গভীর অতলে তলাতে থাকে রাখাল, এরপর শরীরে প্রচও হালকা অনুভব করে—  
জোসনা নামে যে তার শরীরের ওপর ছিল— সে চলে গেছে।

এরপর থেকে রাখাল দূন্তে পড়ে যায়। এসব কী ঘটছে তার জীবনে?

এর মাঝে যদি মিটিমিটি হেঁটে একাকী মতলব মিয়া আসে... জিজ্ঞেস করে,  
আমি আপনাকে হাসপাতালে আপনার চক্ষু দেখাইয়— আরে সরকারি হাসপাতাল—  
দেখি না— কী করন যায়?

রাখাল মনে মনে হাসে... শ্রাণে টের পায় ওর জোসনা নামের প্রেমিকা... সে  
চলে গেছে... এখন মতলব, আল্লা জানে কোন 'মতলব' ফের, রাখালের অক  
চোখকে অবিশ্বাস করছে... নিজের ভেতর সততা থেকে বলে রাখাল, সরকারি  
হাসপাতালেও তো অনেক ট্যাকা লাগে। আমি দিন আনি দিন খাই— আমার এত  
খরচ দিবে ক্যাডা?

আবে আপনের জোসনা হাসপাতাল... আপনার হাতিগুড়ি ওরাই তো ঠিক  
কইরা দিছে। আবে? একটু ওই হাসপাতালে গিয়া আরেকবার আপনের চক্ষু ঠিক কি  
না দেহি?

নার্স জোসনা... রাখালের সমস্ত অঙ্গরাখ্যায় বাঁশি ধখনই এই বুকমই বেজে  
ওঠে...

আব তখনই মহা গভীর বাত্তিরে জোসনাকে ফোন দেয় পরিমল... তোমার এত  
অহংকার কিসের? কেন আমার কষ্টকে ব্রোজ তুমি তাছিল্য করো?

জোসনার কঠ কঠিন হয়, আপনার আমার ধর্ম ভিন্ন... আপনার জীবন বাস্তবতার  
সাথে আমার জীবনের আকাশ-জমিন ফারাক, আমাকে মাফ করুন— জীবনযুদ্ধে  
আমার যা অবস্থা, জীবনেও আপনি বুঝবেন না। দয়া করে আপনার জন্য যেন আমার  
এই হাসপাতালের কাজটা না যায়...

এসব তুমি কী বলছো জোসনা? আমি তোমাকে কতবার বলেছি, আমাদের  
মধ্যে 'ধর্মকে' আমি দেয়ালে হাত দেবো না? আর দুজনের মন এক হলে এসব  
ফারাক কেনো ব্যাপারই না।

এসব আপনার অঙ্গ মোহ বলছে। আমি আপনার মতো আয়েশের জীবনকে  
দেখি নি। রক্তে রক্তে যে জীবনকে দেখেছি, সেটাই আমাকে জানাচ্ছে, এই সম্পর্ক  
সত্ত্ব সত্ত্ব এগোলে পরিণতি কর ভয়ঙ্কর হবে। একটু ঠাভা মাথায় ভাবুন...  
প্রিজ...।

বলতে বলতে জোসনা ধখন মাথা চেপে বসে আছে।

এদিকে মতলব তখন পটিয়েই যাচ্ছে রাখালকে— উত্তরে রাখাল বলে, আবার আপনি  
ক্যান আমার পিছনে উইঠ্যা পইড়া লাগছেন?

মতলব পিটপিট চোখ বাঢ়ায়া বলে, চাপাবাজিতে ওভাদ লোক আমি, ট্রেনিংথ্র্যাণ্ড। পুলিশের প্যানানি ধাইছি কতবার, পাবলিকের ঠ্যাঙ্গানি ধাইছি কতশত স্ট্যাটিলে, চেয়ারম্যানের চামচাগিরি কইরা চাপাবাজির রাজনীতি শিখছি। কেমনে ল্যাং মারতে হয়, ফাউল কইরাও পোল করতে হয়— প্রতিপক্ষের ঘায়েল করতে হয়, সব মন্ত্র আমার জানা।

সালাম দেই, অনেক অভিজ্ঞতা আপনার।

নিজের ভাগে বাঁশ দিয়া, কাকতাড়ুয়ার মতো বইসা বইসা মানুষের ভাগ্য নিয়া খেলা করি�...

বাহ! ভালো, খুব ভালো।

ভালোর বেতাপুড়ি, নির্বাঙ্গাট থাকবার চাই...। কিন্তু বহুত হইছে আর ঝুট-বামেলা সহ্য করব না, এই আমি বইলা দিলাম— হ্যাঁ।

কিন্তু মতলবের নানারকম বিবর্তন ব্যবহারের লেজমুগু নিয়ে ভাবতে বরাবরই মহাবিরক্ত রাখাল এখন তার যে-কোনো কথা বা প্যাচালের ব্যাপারে রীতিমতো ‘বধির’ থাকে। বরং রাখাল জোসনাকে ভাবতে নিজেই অবাক... কী করে কাল রাত মতলবের বেশ্যা জোসনা নাম নিয়ে তার ওপর উপনীত হলো? স্বেফ শধু ‘জোসনা’ নামের এক মহাজাদুর খনিতে রাখালইবা কী করে এক নেংরা জলের স্রোতের মধ্যে ডুবজল দিয়ে গেল?

নিজের শরীরকে অস্তিত্ব সন্তাকে সে ধিক্কার দেয়... খুখু দেয়—

চাঁদের রঙ হলুদ আছিল।

জোসনার রঙ শাদা আছিল।

কী? ঠাটা মাইরা আছো যে? আমার কতা কানে ঘায় না— এইবার, মতলবের চেঁচানো কঢ়ে রীতিমতো কেঁপে ওঠে রাখাল, স্থির কঢ়ে বলে, ও মতলব তাই তুমি কী চাও আমি চইল্যা ধাই?

মতলব তখন তার সহজাত স্বভাবে ‘তুই তুকারী’তে নেমে আসে। বেপে বলে, আর গেছোস ব্যাটা, তুই গেলে আমারে জ্বালাইব কেড়া?

রাখাল বলে, খুব ছোটবেলায়, এখনো মনে আছে আমার। বিভিন্ন রঙের ওপর আমার আছিল দুর্মর কৌতুহল। গাছের পাতাটি সবুজ না হয়া যদি নীল হইত, কেমুন হইত?

মতলব বলে, ঘুড়ার আন্তা হইত।

রাখাল যেন কথাটি শনতে পায় নি। সে তার মতো চলে চলে, কিংবা আসমান যদি থাকত সারাক্ষণ বেগুনি! তেমনি এখন মনে হইতেছে, আমার প্রতি যদি তোমার রাগ না থাইক্যা থাকত যদি ভালোবাসা; তার রঙ কেমুন হইত?

মতলব ভয় পাওয়ার ভান করে বলে, ভালোই হইত। আর তুমি যদি রাখাল না হইয়া মতলব হইতা, কেমুন হইতো?

হাসে রাখাল, ভালাই হইত। ভিক্ষা করতাম না ... তিয়া পাখির ব্যবসা করতাম।  
ওরে সর্বনাশ! এ তো দেখতাছি মহা চাপাবাজ, বংবাজ এঁয়া! আমার তো মনে  
হইতেছে আমার নাম মতলব না হইয়া তোর হইলে কেমন হইত?

এর মাঝে ফের জোসনা উড়ে উড়ে এসে রাখালের পাশে এসে বসে পরম  
মমতায় রাখালের চুলে হাত রাখে, এই মহাজগতের টাউট চক্রে পইড়া হাঁপায়া  
উঠতাছো, না লালন?

হাঁ গো হাঁ... অঙ্কুটে বলে রাখাল একটি দীর্ঘশ্বাস চেপে গুনগুন গায়, 'সে আর  
লালন এক ঘাটে রয়, তবু লক্ষ ঘোজন ফাঁক রে...'

এরপর রাখাল যেন দেখে, এক পাশে একটি মাটির হাঁড়িতে ভাত ফুটছে, ধোয়া  
উড়ছে। বাঁধানো বটগাছে হেলান দিয়ে অনুভব করে মেরুদণ্ডে প্রচণ্ড ব্যথা। তার মুখ  
কুঁচকে ওঠে।

জোসনা বলে, ভাত ফুটে গেছে তো?

রাখাল অভিভূত বিস্ময়ে বলে, থাক। ফুটতে ফুটতে পানি হয়ে যাক। তারপর  
ফুরুত গিইল্যা ফালামু।

আমার তো মনে হচ্ছে তাও পারবে না। ইসরে! বাঞ্ছিরের তাড়ায় সাপটা তুমারে  
কতই না ইট পাথর বোপ কাটার আঘাত খাওয়াইলো। তোমার সমস্ত শরীর ব্যথা  
হয়ে আছে। মুখটাও।

এই হয়তো জীবনে এত মারগিট খাইলাম... ভাবছিলাম সহ্য হয়া গেছে কিন্তু  
এ-কী! কেমনে কেমনে নিজ দায়িত্ব রক্তগুলান শুকায়া গেলেও শহিল্যে এত বেদন  
ক্যান? কী জানি! বয়স বাড়তে থাকলে ব্যথা গুলান ফিইরা ফিইরা আসে হয়তো।

জোসনার চোখ জলার্দ হয়। আলুখালু বাতাসে তার চুল উড়তে থাকলে সে  
অঙ্কুট কঢ়ে বলে, তোমার গানের কঢ়ে এত মায়া কেন?

কী জানি! কিন্তু তোমার হাতের মাথায় এত জাদু ক্যান তুমি জানো?

জানব না কেন? আমি তো সারাক্ষণ তুমার সঙ্গেই থাকি। তোমার কল্পনায়  
হাঁটি, তুমার কল্পনায় কথা বলি— তুমি অনুভব করো না?

করি গো করি... তুমি আমার পিঠে একটু হাত রাখ। বেবাক ব্যথা উইড়া যাইব,  
জোসনা মৃদু হাত রাখলে রাখাল গায়— আমি লালন লাল পড়া পাখি আমার বেয়ারা  
ও তার সবুর কিছু মাই ...।

ধীরে ধীরে রাখালের তন্দু জগৎ থেকে জোসনা ফের হারিয়ে যায়। রাখাল যখন  
চেতনে ফেরে তখনই তার ধ্যানস্ততার সামনে চিল্লাতে চিল্লাতে মতলব কখন যে ক্লান্ত  
হয়ে তার পাশে ঘূর্মিয়ে পড়েছে। রাখাল খেয়ালই করতে পারে নি।

সকালে বটগাছের দিকে এগিয়ে আসে মতলব। মাথায় লাল টুপি, বিচ্ছি বর্ণের  
জামা। মনে মনে বলে— আইজকা ওরে এলাকা ছাড়া করমু, শালা। ঘাপটিবাজ।

একদিন আমি এলাকা ছাড়া হইছি আর আমার দেহ সপ্তিনীরে পটায়া ফালাইছে।  
এইখানে শেফালী আর আহে না। ওর কাছে গেলেও মাইয়ার মুখে খালি রাখালের  
গঞ্জো, রাখালের গান। কিন্তু টিয়া কাষ্টমাররা তাকে ঘিরে ধরলে সে মুহূর্তে মত বদলে  
নিজের ব্যবসার মধ্যে চুকে যাব।

রাতির এলে যখন রাখালের ডেকচিতে ডিম ফুটছে আচমকা আবারও দেবদৃত  
হয়ে নেমে আসে জোসনা।

জানো তুমি যে অঙ্ক, কেউ বিশ্বাস না করলেও তোমারে প্রথমে দেইখাই আমি  
করেছিলাম কিন্তু—

রাখালের চোখ-মুখ অপূর্ব আলোয় মুহ্যমান, আমি জানি গো জানি।

আর কী জানো রাখাল ?

মুহূর্তে রাখালের সামনে মৃত হয় পরিমলের ছায়া। সে অসঙ্গ ঘুরিয়ে বিড়বিড়  
করে, শৈশব ঝুঁব ভালো আছিল, মায়ের রঙ কালো আছিল... তুমি যাও জোসনা  
যাও... রঙের মিটি লোভের হাতছানিতে জাইক্যা আমারে আর মাইরো না— জোসনা  
আবারো ছায়ার মধ্যে মিলিয়ে যেতে থাকলে রাখাল কঁকিয়ে ওঠে। মা, মা, ও মা,  
সমস্ত শরীরে ব্যথা গো মা—

কেন আমার জীবনে জোসনা আইল ? রাইত দিন আমি ওরে নিয়া কী আজব  
খোঘাবের চক্কবে পড়লাম মা ? তুমি কই ? কই মা ? তার চোখ বেয়ে গড়িয়ে পড়ে  
অজস্র জল। ব্যথামাখা কঢ়ে বলতে থাকে— মায়ের রঙ কালো আছিল, চাঁদের রঙ  
হলুদ আছিল, ভাতের রঙ...

মতলব সামনে এসে দাঁড়িয়ে সহসা কিপিং ভয় পায়, মাথা ঘুরিয়ে চাবপাশ  
দেখে বাঁবালো কঢ়ে বলে, ওই মিয়া একলা একলা কার লগে কথা কও ?

কী সুন্দর লাল টুপি পরছো। ভালা মানাইছে তুমারে, রাখালের এই কথায় চমকে  
উঠে মতলব, দৌড়ে কাছে চলে আসে।

সত্যিই তোমারে ঝুঁব সুন্দর লাগতাছে। কী সুন্দর বিচিত্র রঙের শার্ট পরনে।  
আচমকা ভয়ে এবার মিটকি লেগে যাবার মতো অবস্থা হয় মতলবের।

না... ব্যাটা ধান্দাবাজ ! নির্ধার্ত চোক্ষে দেহে। কিন্তু, অঙ্ক না হলে রাখালের মধ্যে  
আঞ্চলিকশ এত দৃঢ় কেন ?

বৃক্ষ সবুজ, নক্ষত্র ঝুঁপালি, অঙ্ককার কালো, কচুরিপানার ফুল বেগুনি-সুন্দর  
শান্দার রঙের মনে হয় মা ঘনসার মাথার হীরার মুকুট... জোসনা যদি আমার ছুঁতো...  
ওওও !

এইবার মতলব সত্যি সত্যিই সন্দেহবাজ হয়ে বলে, আমি কাইলই তোরে তোর  
জোসনার হাসপাতালে নিয়া গিয়া নিজের চোক্ষের সামনে চক্ষু ডাঙ্কার দিয়া তোর

চোখ টেস্ট করাইয়ু... বহুত আপনি আপনি করছি, তোর টাওটামি যদি আমি না  
ভুটাইছি, হলা ভঙ্গিছি দিয়া তুই আমার যাগি শেফাইলিরে এক রাইতের মধ্যেই  
পটাইছস! দেখতে যত বোদাই তুই ভিতরে তা-না।

মুহূর্তে হিম হয়ে আসে রাখালের দেহ। সেইদিন তার দেহের ওপর অপূর্ব শ্রাণ  
হড়িয়ে উপনীত শেফালী নিজের নাম জোসনা বলল কেন? কী করে ওই মেয়ে  
'জোসনা' নাম জানল? ক্রমশ ফের অধঃপাতে তলাতে থাকে রাখাল।



রিকশা এসে দাঢ়ায় হাসপাতালের গেটের বাইরে। মতলব মিয়ার ব্যক্তিতার যেন শেষ নেই। দ্রুত মেঝে রিকশা ভাড়া মিটিয়ে দেয়। রাখাল তখন রিকশায় বসে অঙ্ক চোখ বন্ধ করে গভীর নিশ্চাস নিতে থাকে। যেন চারদিক জোসনার সুগন্ধে ঘো ঘো করছে। এটা দেখে রেগে গিয়ে মতলব বলে, বাহু-বা দেইখা মনে হইতেছে, যেন রাজ সিংহাসনে বইসা আছোস বেটা। ওই, রিকশায় কোনোদিন চড়স নাই?

যেন ঘোরের মধ্যে কাব্য আউরায় রাখাল—

পরিচিত মুখ, পরিচিত স্বাগ... মনে হইল, তাইতো একটু যাচাইবাছাই করি,  
স্বপ্নে না বাস্তবে আছি।

এমন সব কথাবার্তা বন্ধ কর। আমার এন্টিনার সাড়ে চাইর হাত উপর দিয়া  
যায়। কী কস এইসব, যাইক, নাম বেটা এইবার! ক্যামনে ধরা খাস দেহি। রঞ্জের  
খেলার বারোটা বাজাইমু।

অন্তুটে হাসে রাখাল! বলে, ক্যান বৃথা দৌড়-ঝাপ তোমার মতলব ভাই ?

ক্যান, ভয় পাস নাকি ?

কিসের ভয় ?

সত্য যদি ফকফকা হইয়া যায়। ধরা খাস !

কিসে ধরা খাব ? আমি তো জোসনালোকে আইসা ডুবজল বাইতাছি।

আকচিং করিস না, চল— হাসপাতালের ভিতরে চল। আগে ডাকার তো  
দেখাই। তোর লগে তোর জোসনাও ধরা যাইব। আমার লগে চালাকি !

হাসপাতালের প্যাসেজে পা থমকায় রাখালের।

কিরে— আবার ব্রেক মারলি ক্যান ?

পরিচিত মুখ, পরিচিত স্বাগ ধরা দেয়, ছোঁয়া যায় না। এ কিসের লুকোচুরির  
খেলা ? একি মিথ্যা না সত্য ?

এই ব্যাটা চাপাবাজি কইবা ধাপ্পাবাজি করিস না, আগেই কইছি, চাপাবাজির  
ট্রেনিংপ্রাণ্ড আমি। ধাপ্পাবাজির উন্নাদ কইলাম আমি।

চাপাবাজি না সত্যি, ধাপ্পাবাজি না, এইসব বুঁধি না আছি... তব তারে ধরা যাইব  
না ছোঁয়া যাইব না।

যাইবো, আজ তরে হাতে হাতে ধরা যাইবো।

বাইরে শাদা ভিতরে শাদা, কষ্ট কখনো তার শাদা কালা কাদা দিয়া লেপটে  
দিবার পারবে না কেউ। বড় শক্ত মনের মানুষ সে।

হসপাতাসের মহিদে কার কথা কস, বাতাসের মধ্যে ?

ভালো মানুষের পরিচিত মুখ, পরিচিত শ্রাণ ! আমার চেনাজানা হারাঞ্চীবন্দের...  
আহা পরী... শাদা আঁচল ঝড়ইয়া ।

রাখালের সমস্ত দেহমনে ঘোর রোমাঞ্চ— সত্যিই কি দেখা হবে জোসনার সাথে ?

যে সদা বসত করে,

অস্তরের অস্তর স্থলে । চলতে ফিরতে মাঝেমহিদে পাশ কেটে যায় রাঙ্গার মধ্যে ।  
উড়াল দেয় মাথার ওপর দিয়ে । কী যে সুখ— কী যে আনন্দ হয় আমার—

শেফালীকে হারিয়ে তেতর ঝাঁঝে মতলব ডাক দেয়— কীরে ? বুঁদ মাইরা গেলি  
যে ? ফের মনে মনে তখন বলে, শালা কি পাগল, না ধরিবাজ ! ধরতে পারতেছি না  
ক্যা ? এরপর বলে, খাড়াইয়া খাড়াইয়া তামাশা করবি, মা চোখটা পরীক্ষা করাইবি ?

ঘোর অতল থেকে উঠে দাঁড়ায় রাখাল, বলে চলো— তোমার যখন এতই ইচ্ছা ।  
তাও যদি শান্তি হয় তুমার ।

এরপর সোজা চক্ষু ডাঙ্গারের কাছে যায় মতলব । ঠাঁর ঢোবে দেখে, ডাঙ্গার  
রাখালের চোখ পরীক্ষা করছে কম্পিউটারের সাহায্যে : চুপচাপ লেপে তাকিয়ে আছে,  
মুখটি চুকিয়ে রাখাল ।

ইতোমধ্যে যেন উড়াল শ্রাণের গন্ধ পেয়ে জোসনা এসে আছড়ে পড়ে রাখালের  
সামনে, তুমি এইবানে ? তখন লেপের সামনেও আভ্যন্তরিমগু রাখাল এই জোসনা আর  
রাস্তিরের জোসনা নামে পরিচয় দেয়া শেফালীকে একাকার করে নিজের দেহমনে এক  
মিশ্র হাবুড়বুর মাঝে পড়ে যায় । একাকার করে হাবুড়বুর খেতে থাকে । জাতে মতলব  
যেহেতু... সে তার ধান্দায় এগোয়... মিষ্টি মিষ্টি করে জিজ্ঞেস করে... মানে, ম্যাডায়,  
উনি এত রঙ দেখতে পান... মাইনে... মানুষেরা ভুল বোবে... আসলেই উনি অঙ্ক  
কি না ?

তক্কনি এসে দাঁড়ায় ডাঙ্গার পরিমল, হ্যাঁ... হ্যাঁ সে অঙ্ক । আমাদের কাছে  
রিপোর্ট আছে । রাখাল মহাবিদ্রোহ হয়ে তোতলায়, না মানে নানা মানুষ নানা সন্দেহ  
করে । আপনের মুখে নিশ্চিত হয়া বড় শান্তি হইলো ।

অঙ্ক শনে শান্তি হওয়ার কী আছে ? চিকিৎসা করে তাকে ভালো করে তুলবে ?  
শোনো, আমরা ভালোভাবেই জানি । এই নিয়ে যদি আর এক ফোটা সন্দেহ করে  
রাখালের ওপর টর্চার কর, তোমাদের পুলিশে দেব ।

পরিমলের এই কথায় জোসনার ঘনটা একটু গলিত হতে থাকলে মতলব মিয়া  
নতুন ধান্দার খৌজে অভিভূত হতে থাকে ।



মতলৰ মিয়া রাখালকে নিয়ে চলে গেলে জোসনা পরিমলের পাশে স্থবিৰ দাঁড়িয়ে থাকে। সে তাৰ ঘন-আঙুল দিয়ে স্পৰ্শ কৰে রাখালেৰ মায়াবী চোখ। অপস্যমাণ সেই লোকটি তাৰ চোখেৰ সামনে থেকে অদৃশ্য হতেই জোসনা ভেতৱে ভেতৱে গভীৰ যন্ত্ৰণায় কুঁকড়ে ওঠে। মনে পড়ে নিজ শৈশবেৰ কথা। সে দিনে ক্লাস কৰত, রাতেৰ বেশিৰ ভাগ সময় তাকে দণ্ডক নেয়া ভদ্ৰমহিলাৰ সেবা-যন্ত্ৰে ব্যস্ত থাকত।

বাবা-মাৰ জন্য হৃত যন্ত্ৰণা চূড়ান্তে উঠতে এক দৌড়ে চলে আসত তাদেৱ কাছে। মেয়েকে পেয়ে প্ৰতিবাৱই আকুল কানুয়া ভাসত তাৰ বাবা-মা, তখন জোসনাও অশ্রু প্ৰাৰ্বনে ভাসতে ভাসতে বলত, আমি লেখাপড়া কইৱা বিৱাট বড় হইলে তুমদেৱ সিংহাসনে বসায়া রাখুম। তুমৰা আৱ ভিঙ্গা কৰবা না।

তখন বাবা-মা মেয়েৰ দু'হাত চার জলদৰ্জ চোখে চেপে বিড়বিড় আশীৰ্বাদ কৰত... তুই বড় হইলেই আমাগো মনেৰ সিংহাসন বিৱাট হইব, তুইই আমাগো রাজকন্যা... মনেৰ পৱী... এৱপৰ তিনজন গাইত এককষ্টে এক কোৱাস—

‘সময় গেলে সাধন হবে না... অমাবস্যায় পূৰ্ণিমা হয়...।’

এৱপৰ একদিন সেই অন্ধ বাবা-মা, একজন আৱেকজনকে জড়িয়ে ধৰে রাস্তা পার হচ্ছিল... সহসা ধাৰমান ট্ৰাকেৰ তলায়... ওহ কী রঞ্জ... জোসনাৰ পৃথিবীটা রক্ষেৰ নহৰে ভেসে গেল... বিষাক্ত যন্ত্ৰণায় নীল হতে হতে কম্পিত জোসনা কষে পরিমলেৰ হাত ধৰে।

জোসনাৰ এই ব্যবহাৱে পরিমল প্ৰথমে হতচকিত হলেও ক্ৰমশ নিজেকে সামলে নিয়ে শ্ৰিত কষ্টে ধৰ্ম কৰে, কী হয়েছে জোসনা? শৱীৰ বাৰাপ? জোসনা আলোছায়াৰ ঘোৱ চক্ৰে পাক খেতে থাকে, পিজ, আমাৰ এই কষ্টেৰ জীবনটাৰ মধ্যে নিজেকে জড়িয়ে আমাকে আৱ কষ্ট দেবেন না। আৱ এক ফৌটা কষ্ট বইবাৰ শক্তি আমাৰ নেই।

পরিমল এইবাৰ বিশ্বিত এখন, হঠাৎ এই কথা কেন? আমি ঠিক বুঝতে পাৰছি না জোসনা।

কৱিডোৱে ডাক্তাৰ-নাৰ্সদেৱ হাঁটাহাঁটি। অৰন্তিৰ ফঁপড়ে পড়ে সে সন্তৰ্পণে জোসনাৰ হাত ছাড়িয়ে নেয়, আৱ নিজেৰ মধ্যে আৰৰ্ত্তিত জোসনা বলে, না... না

কিছু না। যান আপনি পিংজ... বলে, প্রায় ছুটতে করিজোরে এসে লম্বা নিঃশ্বাস নিতে চায়। ক্রমে ক্রমে নিজের মধ্যে স্থিত হয়ে আসতে থাকা জোসনা দেখে মতলব মিয়ার ধূর্ত চোখের পিটপিটানি... গভীর নিঃশ্বাস থেকে সে বলে, না, আর ঠেকানোর উপায় নেই... রাখালকে ওরা বাঁচতে দেবে না।



টিয়ার ব্যবসা লাটে উঠে মতলববাজের। সে খুবই দামি কোট, জুতা পরিয়ে  
বাথালকে জনসমূহে নিয়ে আসে। এইসব পোশাকের মধ্যে দমবন্ধ অঙ্গতিতে পড়ে  
বাথাল। মতলববাজ বক্তৃতা শুরু করে, ভাইসব, পথেঘাটে পড়ে থাকে কত ধুলা, কত  
শুকনা পাতা, এর মাঝে কোথায় পড়ে আছে মৃত্যুবান হীরাটি তার খোঁজ কে রাখে?  
আজ তার সঙ্গে পরিচয় হোক, যার আছে অলৌকিক ক্ষমতা, সে ঘেরান পঁকে যে-  
কোনো কিছু শ্পর্শ কইবে তার রঙ বলতে পারে।

এক দর্শক হাসে, আরে ছোঁ—এ তো দু'বছরের শিশুও পারে।

তাইবে নারে না, দেখেন— মতলব খুশির নাচ নাচে একপাক, আপনাদের  
অবগতির জন্য জানাচ্ছি, সে একজন অঙ্গলোক। এই যে দেখেন ডাঙারি  
সার্টিফিকেট।

তখন বাথাল এক গভীর যাতনার মাঝে স্বত্ত্বালীন উশখুশ করতে থাকে। এর  
মাঝেও কিছু আগে তার সামনে আসা এক ফালি বাতাসের মতো দাঁড়ানো জোসনাকে  
উপলক্ষ করে, তার পলকহীন চোখ অসীমের মধ্যে হাসতে থাকে। ইতোমধ্যে  
লোকজন কেউ উঠে এসে চোখ পরীক্ষা করতে শুরু করেছে।

একজন বলে, ধুর ওগলো ভণামি।

সব দুই নম্বরি কাম কাইজ, বুজুকি।

এই রকম কাও কত দেখছি।

লোকজনের এইরকম গুঞ্জবনে আরো একপাক ঘুরে মতলব বলে, এই যে,  
ভাইয়েরা, এই যে ভাই হটপুটি করবেন না। সত্য-মিথ্যা যাচাইবাছাইয়ের জন্যে  
চ্যালেঞ্জ হইয়া যাক।

কিসের চ্যালেঞ্জ?

একজনের এই প্রশ্নে উত্তেজনায় মতলব তখন কী দিয়ে কী বলবে প্রায়  
অলোমেলো হয়ে যায়। সে বলে, কেউ যদি ডাঙার আইনা প্রমাণ করতে পারে সে  
অঙ্গ না, দশ হাজার টাকা দেব তারে, আর কেউ যদি না পারে—

কেউ যদি না পারে?

দর্শকদের এই প্রশ্নে আরো উত্তেজিত এবার মতলব, কেউ যদি ফেল মারে, ফেল  
মারলে তার হইয়া আমি নাকে খত দিয়ু একশ'বার।

এইডা আবার কেমন চ্যালেঞ্জ হইল ?

বুঝালেন না ? যাতে আপনারা মনের জোরে কাজটা করেন। ডাঙ্গার আনার ঝক্কি  
আপনারা পোয়াবেন। তার খেসারত আমিই দিয়ু। ও ই, আর একটা কাজ আপনারা  
করতে পারেন, কইবা তার চোখ বাইদ্বা পরীক্ষা করেন।

এইটা একটা জুতসই কথা। লোক এমন খরা খরা দিনে আচমকা হজ্জাতের  
উপকরণ পেয়ে রীতিমতো মাতোয়ারা হয়ে পড়ে। গতরাত থেকে কি না নিদ্রাহীন  
সময়ই না গেছে মতলব মিয়ার। রাধালের ক্ষমতাকে কী কাজে ব্যবহার করা যায়  
জুতসই কোনো ভাবনাই খুঁজে পাচ্ছিল না। যে ভিথিরিকে এতদিন দূরদূর করত,  
তাকে রীতিমতো তোয়াজ করে পকেটের সব সংশয় খরচ করে কেনে দামি সৃষ্টি,  
জুতা কিনে দেয়। আজ লোকজনের হগুষ্ঠুল দেখে তার সে-কী সুখ! একদল লোক  
চোখ বাঁধার কাজ করে। একজন সবুজ জামাওয়ালা এগিয়ে আসে, বলেন তো এইডা  
কী রঙ ?

কম্পিত হাতে ছুঁয়ে ছুঁয়ে রাখাল বলে, সবুজ।

তাজ্জব বনে যায় সবাই। কালো চাদর গায়ে একজন এগিয়ে আসে, বলেন  
আমার চাদরের রঙ কী ?

কালো।

হা! হা! পাইছি পাইছি... মোটাসোটা রাখালকে চিমশে মতলব জড়িয়ে উজিয়ে  
হাহা করে হাসতে থাকে।



কিন্তু মতলববাজের যাই হোক, এইসব টানাপড়মে রাখালের সারাজীবনে যা-ও কিছু শান্তি ছিল, তার মধ্যে সর্বনাশ ঢুকে গেল। মতলব ইতোমধ্যে রাখালকে গিনিপিগ বানিয়ে তাকে মৃত্যুর হৃষ্মকি দিয়ে বীতিমতো নিজের দাস বানিয়ে ফেলেছে। যদিও সামনে সামনে তোয়াজ করে, কিন্তু রাখালের রঙবিষয়ক ব্যবসা নিয়ে টাকা উপার্জনে দিন দিন সার্থক হতে থাকলে সে সেই টাকায় রাখালকে নিয়ে সুন্দর একটি বাড়ি ভাড়া করে। তাকে ফোমের বিছানা কিনে দেয়... সেই বিছানায় রাখাল চিৎ কাতে চেড় খায়, ঘুম আসে না।

মতলব বীতিমতো ঘরের মাঝে লাফালাফি করে— জইমা গেছে খেলা।  
কইছিলাম না হই হই কাণ রই রই ব্যাপার। টেকারে টেকা; থরে-থরে টেকা।

রাখাল ঘোরের মধ্যে থাকে, কী করে দুনিয়ার রঙ শাদা হয়? বরং ঘোর কালা—  
কালা... এত কালা? ক্যান?

কী রাখাল, খালি কালা দেখেন ক্যান?

তাইতো এত কাল দেইবা এসছি; বরং শৈশবে অনেক বৎ ছিল—

অস্ত্রির রাখাল বলে, আমারে নিয়া কী মসকুরা মারভাছস তুই? একেবারে ঘটকা  
মাইরা মইরা যাম... এহন আর তুই আমার একলার হাতে নাই। আমি তো তোরে  
সেইত কইরা কইরা ব্যবসা করুম। আমি মরলে দশ শকুনে তরে ছিইড়া যাইব।  
ডুগডুগি খেলব। এরপর আবার ফের যুরিয়ে পড়তে পড়তে নিজেকে স্থিত করে বলে,  
বহুত তুই তুই সহ্য করছিলে তোরে, এখন ঘুমা।

ঘটকা মাইরা তুমি মববা কী? আমিই মরমু— এরপর দেহি, তুমরা কে আমারে  
লইয়া কী করবার পারো।

ঝাঁঝায়ে ওঠে মতলব। চুউপ। একেবারে ছুপ। এরপর ফের কী বুঝে রাখালকে  
পটাতে তার মাথায় হাত বুলিয়ে ফিসফিস করে, আরে, মরণের কথা কিসের? আমরা  
দুইজনই হইলাম রাস্তার ও খাওয়ার যুদ্ধের একই রুকম সঙ্গী, ফারাক একটা তুমার  
মনটা এহনও সাফ আছে, আমার টা ‘পইচ্যা’ গেছে। ভালা কামাই-এর একটা সুযোগ  
পাইছি। এইডা কামে লাগাইয়া যদি দুইড়া ভালা থাই, ভালা পড়ি খারাপটা কী?

ক্রমশ নিজ স্বভাবে আস্থানিমগ্ন রাখাল বলে গ্রামের কথা, সেই যে নদীর স্রোতস্বী  
জল, তারও এক ঘৃণাক্ষী রূপ ছিল। গীত্বে ঝিকিমিকি, শীতে কালো বিষণ্ণ, সূর্য ডুবে

যেতে থাকলে লালচে ছোপ, ছুঁয়ে ছুঁয়ে কতদিন জলের ঝুপ পাল্টে দিছি। গুড়িয়ে দিছি। গুড়িয়ে দিলেই বাদামি এক রঙ ধারণ করত— নেচে নেচে সুন্দরের খেলা চলত। সৌন্দর্যের খেলা কাকে বলে !

মতলব ফের দিশেহারা বোধ করে, ঘরের আলো-আঁধারের মাঝে হামাগুড়ি দিয়ে রাখালের সামনে অবচেতন কষ্টে ফিসফিস প্রশ্ন রাখে, সত্যি বলেন তো, আপনে ক্যাভা ?

স্থিত হাসে রাখাল, কতবার বলবো, আমি মানুষ। এরপর ফের খেমে বিড়বিড় যেনবা পাঠ করে, কবে পৃথিবী আছিল বহু বর্ণের। তহন তো চেতনার মঞ্চে সেই পুরনো অভ্যাসের ছিলবিছিন্ন খেলা— পুরনো কুরশি কাটাই নানা রঙের সুতায় বোনা নকশা। মার ওমে ওয়ে কতদিন; মা-মাগো তোমার পরশ কী হলুদ আছিল গো মা, পাকা ধানের সহস্যের লাহান।

আপনার কথা শুনলে মনে হয়, আপনে এই দুনিয়া না, তেন্তে হাতের মানুষ। যা হোক এই দুনিয়ার আকারে যেহেতু আইসাই পড়ছেন এহন যহন একটু আলোর দিশা পাইছি, হেইডারে কামে লাগায়া সুখে বাঁচি। এরপর আর চিন্তা কী ? এই ‘রঙ’ আমাগো জগৎ আলোর সুখ দিবো।

রঙ আছিল আমার একলার আনন্দ। তুমি সেই আনন্দ জনে জনে বিলায়া আমারে সত্যি সত্যি নিঃস্ব কইরা দিছো।

ফকিলীর আবার রঙের আনন্দ, দাঁতে দাঁত চেপে ওমর তুফানে রাখালের দিকে তেড়ে উঠতে শিয়েও মতলব নিজেকে ‘থামিত’ করে।

বরং বলে হাতের লক্ষ্মী পায়ে টেইল্যান না রাখাল ভাই। আবারো কই, আল্লার দেওয়া শক্তিরে কামে লাগায়া নিজের ভাগ্য বদলান।

হাঁসফাঁস করে অসহ্য এক বোধ থেকে তড়পায় রাখাল। এইসব অশান্তির মধ্যে আমাকে আর টানাটানি করো না ভাই মতলব।

অশান্তি ! অস্ত্রি চিৎকারে গ্রানপণে চেপে রাখা হিংস্তাকে আবার দাবায় মতলব চুটপ, একদম চুপ। বকবক কইরা আমার জানটারে কাবাব বানায়া... খুর! আর একটা কতা কইলে ঘুমের মইদ্যে গলা চিইপ্যা... কাঁপতে কাঁপতে মতলব একসময় শ্রান্ত বোধ করে।

রাতে বিছানায় নিজেকে পেতে দিতে দিতে ভিজে উঠা কষ্টে ফিস ফিস করে রাখাল— ভাই করেন ভাই।



মতলব মিয়া যখন 'পাইয়া গেছি' এই ভাবনায় উত্তেজক আলুথালু লাফর্হাপে ব্যস্ত, শরীর বলে কথা, একসময় তার মধ্যে কুস্তি এসে বসলে মগজের কোষগুলোও শান্ত হয়। তখন সে অতি সন্তর্পণ চোখে দেখে, অঙ্গ লোকটি কী অবাক বিষয়ে গীল ধরে জানালায় দাঁড়িয়ে আকাশের দিকে তাকিয়ে আছে।

যেন বা অক্ষয় হঁশ হয় তার, না, এই ধূমকধামক 'তুই তুকারী' দিয়ে আর যাই করা যায়, রাখালকে আটকে রাখা যাবে না। এর কোনো দিশার ঠিক নেই, বেশি বাড়াবাড়ি আটকালে দেখা যাবে, মতলবের চোখের সামনেই এমন উড়ালে যাবে... না... না... কোনো ভরসা নেই ওর...। রাখাল... এক হিম আশক্তা থেকে হামাঞ্জড়ি দিয়ে শোনে রাখালের কঠে অন্য গান 'যদি একখান সুন্দর মুখ পাইতাম, সদরঘাটের পানসুপারি তারে বানাই খাওয়াইতাম।'

সে ভয়ে ভয়ে হাতের মধ্যে ঘায়া তৈরি করে হাত ধরে রাখালের... সুন্দর মুখ পাও নাই রাখাল ভাই ?

মতলব মিয়ার হঠাৎ নানারকম এহেন আচরণে হঠাৎ একটু অবাক হলেও পরক্ষণেই এই লোকটার যে-কোনো আচরণে কেন রাখাল এখনো অবাক হয়, সেটা ভেবে বিবৃত বোধ করে।

কী রাখাল ভাই চুপ যে ?

রাখালও এই নিশ্চুপতার মধ্যে নিজের মধ্যে জ্যে থাকা পুঁজিভূত কুয়াশা সরাতে সরাতে ভেতরে ভেতরে একটি হালকা মৌজ তৈরি করে মতলববাজের এই শুভৃত্ত আচরণের 'মতলব' ঠাহর করতে চায়, ফলে সেই নির্মিত বানানো মৌজ কঠেই বলে, সুন্দর মুখ ? হেঁ গান তো গানই— তয়, কী আজব মতলব ভাই, এই গান গাইতে গাইতে ক্যান জানি সদরঘাটের পানসুপারি খাইবার লাইগ্যি পরাণটা ফাইডা ঘাইতাছে।

মতলব এক দৌড়ে জানালায় শিয়ে বাইরে তাকিয়ে রাতের বয়স মাপতে মাপতে ঘড়ি দেখে, সাড়ে বারোটা। বলে, সদরঘাটের পানসুপারি খাইছো আগে ?

হাসে রাখাল, এই শহরের এমুন কুন টিপা গলি বড় সড়ক আছে, যেখানে আমি ফড়ফড়া বাতাসে উড়ি নাই ? পুরান ঢাকার ব্যাপার-স্যাপার আলাদা ভাই, কালি ভূনা,

কাকি... পরোটা ডিম ভাজি, এইসবের গুদে দিনেরবেলায় কামের হজ্জাতে খিম  
মাইরা থাকন জায়গাটা রাইতে এমুন চিকোর দিয়া জাইগ্যা ওঠে, যত রাত বাড়ে  
ততই বাস্তি, বাওন-ফুর্তি— আহারে কী মজা যে সদরঘাটের পান সুপারির !

মতলব শিয়া এখন কিছুক্ষণ খিম মারে ।

এরপর নিজেকেই নিজের হঠাৎ বেকুব মনে হয়, এ্যাদিন পর রাখাল তার সাথে  
একটি সহজ-স্বাভাবিক আবদার করেছে, পানসুপারি, আর মতলববাজকে বলা যায়  
তুচ্ছ করে এই শহরের একেবারে গলি ঘুপচি উড়ালের রাজা মনে করছে, তার কাছে  
রাখাল এই রাতের বয়স মেপে হেরে যাবে ? এরপর রাখালের কাছে তার কোনো  
পাত্তা থাকবে ?

সে বলা যায় সটান ঘুরে দাঁড়ায়, চলেন ভাই ।

রাখাল মতলবের এই কথায় অনেকদিন পর পরাণে বড় মধুর আরাম বোধ করে,  
প্রাণটা বড় হাঁসফাঁস করছিল রাত শহরে উদাস আকাশের নিচে ঘোরার জন্য কিন্তু  
টোপটা মতলব এত দ্রুত গিলবে, আশা করে নি ।



ওরা যখন সর্পিল গলির পা কোমর মাড়িয়ে মহারাজার বুকে, তখন নিঃসীম স্তন্ধনায় এই শহুর স্থির। কেবল দফায় দফায় একেবারে কলজে মাড়িয়ে দানব দৌড়ে ছুটতে থাকা ধাবমান ট্রাকের শব্দে ধাবধাব কলজের ধড়ফড়িয়ে উঠতে থাকা ছাড়া। তাও হতো না, বেশ কিছুদিন নির্জনে কাটিয়ে অভ্যাসটা কি একটু বেশি শান্ত হয়ে গেছে? এই ভাবনার মধ্যে পড়তে না হতো রাখালকে।

মতদ্ব তো আজ রাখালকে টক্কর দেয়ার বুকে নেমেছে, ফলে সে এত রাতে যত চিল্লাচিল্লি করে টেক্সি, সিএনজি যা পায় ততই বুকের মধ্যে আরাম বোধ হয় রাখালের।

কিন্তু... একী?

জিভে নেশায় সদরঘাটের পানসুপারি খাওয়ার আকুলতা এমন দাউদাউ করে জেগে উঠল যে? যা হোক, তালো লাগছে এই ভেবে যে রাখাল কখনো রাজ্ঞির পাশে বসে কখনও দাঁড়িয়ে রীতিমতো প্রার্থনা শুরু, যেন সে যত শিগগির একটি বাহন পেয়ে যাব।

আর রাখাল অপূর্ব হাওয়া রাজধানীর নির্জন পলিওশনহীন রাতে স্পষ্ট দেখতে পায় আসমানকে!

হতু বাতাসে না আঁধার তো নয়, যেন ধৰধৰে পরীর ডানা মেলে জোসনা উড়ছে... কোন সেই নির্দ্রাহীন মানুষের জানালা থেকে ভেসে আসছে গান... তুমসেহী... দিন হোহাতে... হাড়ঘড়ি শ্বাস আতাহে... তুম সেহী... খুরি সে বেহশী... না... না... পড়শি যদি আমায় ছুঁতো... সারা অঙ্গে যখন সে জোসনার স্পর্শ কাঙ্ক্ষায় রাখাল বোমাণ্টিক, তখন টের পায়, বহুকষ্টে একটি ঠেলাগাড়ির ব্যবস্থা করার পর মাঝরাতের পথ নয়, দুজনে সেটাতে বসে মহাপৃথিবীর দিকে রওয়ানা দিয়েছে।

কিরক্ষিরে হাওয়া... এটা কোন কিন্তু? মা'র কোমল বুকের সবুজের শৈশব ভূমে নিজেকে আচমকা জীবনের প্রথম চুকিয়ে ভীষণ অসহায় ব্যর্থ আর কাঁচাল মনে হয় রাখালের, আহারে আমার জন্মদাত্রী মা, তুমি কই আছো গো? পেটের মইধ্যে কতদিন কত রাইত রাইখ্যা জন্ম দিয়া, জন্মের পরে কী যতনইন্না করছো। যে ব্যাটা তুমারে লইয়া গেছে, হেয় তুমারে কষ্ট দিবার পারে, তুমারে লাখি মাইরা ভাইগ্যা ঘাইতে পারে, ক্যান এইটা একবারেও ভাবি নাই? আমি একবারও ক্যান বুঝি নাই, তুমিও আমার বেদনে কষ্টে থাকতে পারো? ও... মা... মা... গো...।


যখন ঠেলাগাড়ি নিজেকে ঠেলাতে যাচ্ছে তখন রাখাল নিজের আপন  
প্রাণ বাঁচাতে চোখের জল শুভতে শুনে মতলবের বকবক... ও রাখাল ভাই...  
পানসুপারির দোকান যে বক্স, কালিতুনা বাইবা ?

না ।

তঙ্কুনি মতলব এতক্ষণ অনেক কষ্টে লুকিয়ে রাখা স্থিত ক্লপের বাইরে, তার  
আসল ক্লপে ফিরে আসে, কী ? তুই আমারে তোর চাকর ভাবছস ? এতোকষ্টে,  
এতোদূর নিয়া আইলাম... ।

এরপর গজগজি করতে করতে যখন দেখে রাখাল রাত আকাশ পানে নির্বিকার  
মুখ করে কী নিয়ে যেন নিজের মধ্যেই নিমজ্জিত হঠাত মতলব হাওয়া হয় ।

কিন্তু রাখালের দ্রাঘি খাবারদাবারের মধুর হাওয়া । না, পানসুপারি থেতে জিভের  
যে লালচ উঠেছে, তাকে থামানো কঠিন । অক্ষৰাং তার ভয় হয় প্রথম, ব্যটা ভেগে  
গেল নাকি ? কিন্তু পরমুহুর্তেই আমোদ, আরে ! এটাই তো রাখাল চাইছিল, মতলবের  
দাসবৃত্ত থেকে ভাগতে । একদম চনমনে হয়ে ওঠে তার শরীর । সে আশেপাশের দ্রাঘি  
পুঁকে যেই ঠেলাগাড়ি থেকে নিঃশব্দে নেমে পালাতে যাবে, যেন আসমান ফুঁড়ে তার  
মাথার ওপর এসে পড়ে মতলব, কী ভাবছস তুই ! তুই ভাগবার চাইলেও ঠেলাওয়ালা  
তরে যাইবার দিতো ? যাই হউক, একটা দোকানে ময়লা পড়া ছিড়া বেড়া কিছু পান,  
ভাসা, গুঁড়া সুপারি পাইছি, ময়লায় ভরা আছিল, ধুইয়া আনছি খাও । আরে কী  
তাজ্জব বাপ খাসিও না-গরুণা-মাইৰা রাইতে সদরঘাটের পান সুপারি খাইবার  
লাইগ্যা কারো পরান এমুন পাগল হয় ? আ... জ... ব ! বলে রাখালের মুখে  
জোড়াতালি দিয়ে বানানো পানসুপারির খিলি সজোরে ঠেলে দেয় ।



ওরা যখন ফিরছে তখন মাঝবাতি গোরস্থানের মতো স্তুক ।

কী সুন্দর রাতের পথ ।

এই পানসুপারি চিহ্নতেই কী সুখ ! শালা মতলব, ওই ভাঙাচূরা পানসুপারির মাঝেই কী সুন্দর জর্দাচূর মাখিয়ে এলেছে । কিন্তু টেলাগাড়ির ধাক্কা ধোকায় পাছার মধ্যে একদম ব্যথা ধরে গেছে ।

ওয়া ! এর মধ্যে কোথেকে হাসনাহেনার গন্ধ ভেসে আসছে ? এর মাঝে মতলব ঠেলা থেকে নেমে রাত পুলিশের সাথে ঠাণ্ডা কথোপকথনে কী সব যেন ভজাচ্ছে, ভাসা ভাসা কানে আসে ।

কিন্তু যখন নিজেকে এসব থেকে এড়িয়ে নিজের মধ্যে বুদ্ধি-বিন্যাস হচ্ছে রাখাল, তখন ফিরে আসা মতলবের কষ্ট তাকে ঘোরবিচ্ছিন্ন করে, হালা, এই দেশের পুলিশ, দশটা ট্যাকার লাইগ্যার কী কাইজ্যাই না করল ? পরঙ্গণেই সহানুভূতিশীল মতলবের কষ্ট সত্যিই বিস্থিত করে রাখালকে— কী করব ওরা ? বিদেশে সবচাইতে বেশি দায় পুলিশের, সশান পুলিশের, আর আমাগোর দেশের পুলিশ ? হারাজীবন কুন্ডার খাটনি খাইট্রাও কাজের বুয়ার ট্যাকাও উপার্জন করবার পারে না ।

এরপর ফের ধৈয়ে ধৈয়ে পথ চলা । কিন্তু যখনই ক্লান্তি-অবসাদে শরীর নেমে আসছে রাখালের তক্ষনি মতলব মিয়ার 'এই ঠ্যালা থামো' এই হৃষিকিতে নিজেকে সে টানটান করতে চেষ্টা করে ।

মতলব দেখে, হহ রাস্তার মাঝখানে চারজন বোবা দম্পতি আ... উ... করে এমন ঝগড়ায় মেতেছে... সবাই পরম্পরকে কোমরে লুঙ্গি গেঁথে আঁচল এঁটে এমন আমূল নিশান আক্রমণে লিষ্ট... মতলব যখন ঝগড়ার বিষয় কিছুতেই খুঁজে পায় না, রাখাল অবসাদে যিমিয়ে পড়তে পড়তে অনেক কষ্টে অনুধাবন করতে পারে বোবাদের যুদ্ধের কারণ । এক বোবা পুরুষের চোখ পড়েছে আরেক বোবার বউয়ের প্রতি ।


কিন্তু... যখন সবাই ঘুমাচ্ছে, সেই বোবা পরপুরুষের সাথে নিজের বউকে হাতেনাতে ধরে ফেলেছে বোবা স্বামী... ব্যাপারটা বুঝতে বুঝতে একটা ব্যাপারে রাখালের দারুণ কৌতুহল তাকে অবাক করতে থাকে... ওদের গোঙানি, চিৎকারে যা সে অনুভব করে, পরপুরুষের শয়াশায়িনী স্ত্রীর পক্ষে লড়ে যাচ্ছে তার স্বামী, আর সেই স্বামীর পক্ষে তার স্ত্রী ।

এই শুক্র রাতে এই বোবাদের এইরকম ঝগড়া-তর্ক এমন অঙ্গুত এক অনুভব দেয়, একদম যুক্তি ছাড়া... ভালোই হায়েছে, সে জন্মান্ত্র... সভ্য মানুষেরা কি জীবনকে এইভাবে যুক্তিহীন অনুভবে ভাবতে পারে?

কিন্তু এটাই শেষ না। যখন মতলববাজ ওদের বাগড়া থামাতে অসহায় বিরক্ত হয়ে ঠেলার ওপর উঠে বসেছে...

নিদ্রায় এলায়িত রাখাল টের পায়... এতক্ষণ ঝগড়ায় লিঙ্গ হয়ে শুক্ররাত ছাড়খার করা ওরা— একসাথে কী ভাষায় মীমাংসায় এসে হাঃ হাঃ হাসিতে মেতে উঠেছে।

হা! কী রহস্যময় এই দুশিয়া।



দিন ঘায় রাত ঘায়, সত্যই এবার রাখালকে পুঁজি করে পয়সা আসতে শুরু করে মতলবের, সে রাখালের ভরণপোষণের দায়িত্ব নিয়ে যা উপার্জন করে নিজের থলেতে জ্যাতে থাকে।

একদিন রাখাল হাসে, মানুষ অলৌকিক ক্ষমতা দর্শন করে অনেক পয়সা দেয়, তুমি তো মতলব আমারে একটা পয়সাও দেও না।

এই— এই জন্যেই আল্লা তোরে আক্কা বানাইছে। কোনো কৃতজ্ঞতা নাই। ওই বেটা ওই, সারাদিন কামাই কইরা কী করতি? দুইড়া ভাত ফুটাইয়া আলু ভর্তা দিয়া খাইয়া বটতলায় পইড়া থাকতি—

তখন রাখালের ব্যক্তিত্ব উত্তেজিত হয়, ঠিক আছে মানলাম, কিন্তু আমার উপার্জনের টাকা আমি পাইমো না?

মতলবের জেদ কর্কশ কষ্ট আরো উজাতে থাকে, আমি না থাকলে তোর প্রতিভা কোন ব্যাড়ায় জানত? কোনোদিন একটা লুঙ্গি কিনা পরছোস? এই ডাট ফাট, ঘরবাড়ি, খানপিনা— হঁ; ভালো মানুষ পাইছ তো আমারে—

গজগজ করতে করতে মতলব চলে যায়। বিম মেরে বসে থাকে রাখাল। এরই মাঝে ধীর পায়ে কল্পনার সেই ফাঁকে জোসনা এসে দাঁড়ায় ওর সামনে।

জোসনা... কেন তুমি এরকম অশ্রীরীর মতো আমার জীবনে আইসা এক পশলা বাতাসে বুক জুড়িয়ে আবার হারায়া যাও?

কী জানি কেন? কিন্তু বাহ! তোমার জীবন দেখি দিব্য বদলায়া গেছে।

তুমি বলবা এই ঘর, লেপ তোশক, বসবার জায়গা, ফ্যানের শীতল বাতাস, যা কোনোদিন আমার কল্পনার মাঝেও আছিল না তাতেই আমার জীবন বদলায়া গেছে?

কেন বদলায় নাই? তুমারে তো চিনাই যাইতাছে না।

অঙ্গুট হেসে রাখাল বলে, আমারে লোভী ধান্দাবাজ এইসব কইবা তো? শোনো জোসনা, টাকা জিনিসটাই বড় খচ্ছ। যনে লোভের আগুন জ্বলায়, মতলব এইসবের উপলক্ষ মাত্র।

আমি এ বনের পাথি আটকা পইড়া গেছি গো এই দুনিয়া খলিড়ের সোনার খাঁচায়— খাঁচার ভেতর অচিন পাথি কেমনে আসে যায়, নিজের অনিচ্ছায় আইলেও যাইবার পথটা দেখাইবা জোসনা? আমার যে দমবক্ষ হয়া আইতাছে।

তুমিই তোমার পথ পাইবা রাখাল— কত বিচ্ছি ক্ষমতা তোমার, এই রঙহারা  
দুনিয়ায় তুমি কত রঙ দেখো । খাচার সাধ্য নাই, বেশিদিন তুমারে আটকায় ।

জোসনা, যেও না । না.... । তুমি তুমার জীবনটা আমারে বইলা যাও । কী এমন  
কষ্টের টানে তুমি বারবার আমার মতো পথ ভিখিরির হপ্তে আসো ?

জোসনা অপস্থিমাণ হতে হতে বলে... কিছু দুর্দান্ত কষ্ট থাকে যা বইলা হালকা  
হওয়া উচিত না.... এরপর জোসনা মিলিয়ে গেলে রাখালের চোখে অগ্রাবস্য নামে ।  
হাসতে হাসতে মিলিয়ে যায় জোসনা । কিংকর্তব্যবিমৃঢ় হয়ে বসে থাকে রাখাল ।



বটগাছের নিচে রাখাল নিজের এই বিবর্তিত জীবনকে যখন ভেতরে ভেতরে কুঁকড়ে  
যন্ত্রণায় অভিসম্পাত করছে... তখন মাইক দিয়ে বক্তৃতা দিয়ে যাচ্ছে মতলব।  
রাখালের তা কানে যায় না।

ওখানে কী হচ্ছে ভাই ? একদিন একজন মানবিক মানুষ সাংঘাতিক দরদি কঠে  
প্রশ়ং করেন, প্রতিদিন দেখি জয়ে উঠেছে মানুষজন ওই মানুষটিকে ঘিরে !

একজন দর্শক বলে, কারে আপনি মানুষ বলতেছেন ! উনি তো মানুষ না !  
মানুষের চাইতে একটু উপরে তার অবস্থান। চোখ নাই কিন্তু দিব্য চোখে সব দেখেন  
তিনি !

কী দেখেন ? আপনারা জানেন ?

আরে বললাম না সব দেখেন ! কিন্তু সব কিছু বলেন না ! খালি রঙের কথা  
বলেন !

রঙের কথা বলেন ? মানে ?

রঙ-বেরঙের দুনিয়ায় কত রঙের খেলা চলে, আমরা নানা গোরাম শহরের  
নাদান হাদারাম গাধা, তার কতটুকু দেখতে পাই—বুঝতে পাই ? ওনি সব দেখেন।

সব দেখেন !! সব বুঝেন, আপনারা তাকে নিয়ে কেন এমন খেলায় মেতেছেন ?  
এতই যদি সম্মান করেন তাকে, কেন তার দুঃখ আপনারা দেখেন না ? কেন তাকে  
মানুষ না ভেবে চিড়িয়াখানার পশু বালিয়ে তাকে নিয়ে খেলায় মেতেছেন ?

একজন মানবিক দর্শক বলেন, কে ? কে আপনি ?

আমি কে জানার দরকার নেই। লোকটার অবস্থা দেখছেন ? আপনাদের  
হউগোলের মধ্যে অসহায় পশুর মতো কেমন তর পেতে পেতে কাঁপছেন ?

আরে ? আপনি ক্যাডা ? লেখক না সাংবাদিক ? রাখাল কান পাতে !

সেই ব্যক্তিকে কঠের মানুষটি বলে— আমি ওর কেউ না !

তাহলে পলিটিশিয়ান ?

তঙ্কুনি তাকে টানতে থাকে আরেকটি কঠ— তুমি চলো তো : কেন যে হজ্জোতে  
নিজেকে জড়াও। এইসব এই দেশে নতুন নাকি ?

ব্যক্তিকে কঠের প্রতিবাদী লোকটি বলতে থাকে, হং পলিটিশিয়ান। আই  
হেইট ‘পলিটিক্স’। পলিটিক্স ইজ এ লিগেল মাফিয়া।

লোকটির বিলীয়মান কষ্টকে স্তুক করে ফের মুখের হয় জনতা। ফটর ফটর  
ইংরেজিতে কি কৈরন গেলো ? হালা পাগল নাকি ?

উচ্চকিত হয় মতলবের কষ্ট— তা ভাই যা কইতেছিলাম...।

এক সময় বটগাছের নিচে রঞ্জের খেলা থেমে যায়— অসহায় রাখাল নিশ্চৃপ বসে  
আছে। তার সামনে থেরে বিথরে টাকা। একেকজন একেকভাবে বসে আছে। এগিয়ে  
আসে মতলব, দু'জন ফিটফাট লোক সাথে নিয়ে।

ওই শুনছোস, ভিন্নদেশী এক প্রেসিডেন্ট আসতেছে। সেই প্রেসিডেন্ট আবার  
অঙ্গ, বধির বিকলাঙ্গদের বিষয়ে দয়াবান। তিনি রাষ্ট্রকার্যের পাশাপাশি এইসব  
প্রতিবন্ধীদের আশ্রম পরিদর্শন করবেন।

তাই নাকি ? জনতার মধ্যে হলস্তুল লেগে যায়।

রাখালকে বলে, আপনি যদি টাসকা লাগাইতে পারেন, তবলে কিন্তু রাজা। এই  
যে ওনারা সব ব্যবস্থা কইয়া দিব। কন দেখি ওনার টাইয়ের কী রং থাকব ?

কিছুক্ষণ স্তুকতা। ফিটফাট লোক দুটি নিশ্চৃপ, কৌতৃহলী। মতলব অধৈর্য হয়  
দুইজনই আপনার সামনে... এই ভাইয়েরা ভিড় সরান, কন ভাই কাব টাইয়ের কী  
রং ?

রাখাল ঘোর কষ্টে বলে, উনারা সামনে না আসলে কেমনে কইমু ?

তক্ষুনি প্রেসিডেন্টের সেক্রেটারি এলে সব ভিড় সবে যায়, ঝাকঝাকে লোক দুটি  
সহ সে এসে বলে, ইংলিসে, বাংলা রূপান্তর করে আবেকজন, হ্যাঁ, রাখাল এই দেশে  
এসে তোমার কথা অনেক উনেছি, আমি জাস্ট তোমাকে টেস্ট করতে এলাম, আগে  
আমার প্রশ্নের একটা উত্তর দাও, তুমি কি জনাক নাকি ?

রাখাল নিরুত্তর। তিনি প্রশ্ন করেন, ঠিক আছে তুমি বলতে পারবে আমার  
শার্টের রং কী ?

গভীর দু'চোখ পেতে রাখাল উর্ধ্মবুঝী তাকায়— বয়েরি।

সবাই আনন্দে চিৎকার করলেও প্রতিনিধি নিজেকে ঝালাই করতে ফের প্রশ্ন  
করেন।

কিন্তু তোমার ওই টস্টসে চোখ দেখে যদি উনি তোমাকে বিশ্বাস না করেন ?

অসহায় বিপন্ন রাখাল ভেতর ক্রোধে আবারও নিশ্চৃপ থাকে।

আচ্ছা। তুমি কি সত্যি চোখে দেখো না ?

অসহায় ক্রোধে রাখাল বুলি আড়ডে যায়— না দেখি না।

কিছুক্ষণ ভেবে সেক্রেটারি বলে, দেখো রাখাল, প্রেসিডেন্ট খুব কম সময়ের  
জন্য আসবেন। তোমাকে দেখা ছাড়াও তার আরও প্রচুর অ্যাপয়েন্টমেন্ট আছে।  
তোমার চোখ ভালো কী নষ্ট তা দেখার এক মিনিট সময় তিনি পাবেন না, সেক্ষেত্রে

একটু থেমে তিনি বলেন, তুমি যদি দেখতেই না পাও, তোমার ওই চোখের উপস্থিতি  
থাকলে কী আর না থাকলেই কী? সত্য কি না?

মতলব মুহূর্তে সাফিয়ে উঠে মুহূর্তে ফটাস কর্তে বলে, ওর চোখ দুটো আগেই  
আমরা উপড়ায়া রাখবো। তারপর উপস্থাপন করব মাননীয় অতিথির সামনে—

তাহলে তো সব দুশ্চিন্তা গেল।

না— না অন্ত আধাৰ ফুঁড়ে চিৎকার ধনি-প্রতিধনি ওঠে রাখালেৱ— যার শব্দ  
কেউ শোনে না।



তারপর ?

তারপর ফুড়ুৎ।

তারপর ?

তারপরও ফুড়ুৎ...।

ধেখ! জোসনা দাঁড়ায়। চাপ পেলেই আগনি আমাকে চড়ুই পাখির গল্ল ফেঁদে  
বসেন। আমাকে খুকি পেয়েছেন?

শোনো, পরিমল হাসে, এইবার সিরিয়াস হচ্ছি.. ছায়া আলোয় পরিমলের  
দীর্ঘদেহ প্রলম্বিত হয়। পুরো ক্লিনিন্ট লেক জুড়ে নেমে এসেছে আকাশ। এই কিছুক্ষণ  
আগেও নিতে যাওয়া বিকেলটি যখন সন্ধ্যার পর ধরে রাত্রির দিকে নামছি নামছি  
করছে, ভীষণ উদাস উদাস কর্তৃ আকাশে দুঃহাত তুলে পরিমল, দেখো দেখো ধৰণ  
সন্ধ্যার রঙ! ঠিক যেন ভোর হচ্ছে। রঙ? পরিমলও রঙের কথা বলছে? জোসনার  
নিজের মধ্যে নিমগ্ন চোখে ভর করেছিল বিশ্বলতা— পৃথিবীর কী আজব প্রাণে আমরা  
থাকি, সেখানে সন্ধ্যায় তোর আলোর পর যতই সময় গড়ায়, ততই অন্ধকার হয়।

এরপরই পরিমল যখন আসার পথে তার গাড়িতে চাপা পড়া এক বৃক্ষের কথা  
বলছিল, তখনই জোসনার হিম চামড়ায় ভয়ার্ট কষ্টকর অনুভূতির কম্পন দেখে  
পরিমলও প্রথমে ধারড়ে যায়, ফের নিজ থেকে বেরোতেই যেন জোসনাকে বলে,  
কাল কী হবে, কে জানে? চলো জোসনা আজকের দিনটাকে নিয়ে ভাবি? আজ  
তোমার জীবনটা একটু শুনতে চাই?

কিন্তু ক্রমশ বিপন্নতা ছেড়ে ক্রুদ্ধ হয়ে উঠতে থাকে জোসনা, তারপর কী হলো  
বুড়োটার?

কোন বুড়োটার?

গাড়ির নিচে চাপা পড়ে মরে যাওয়া বাবা-মা'র কথা মনে পড়তেই ফের কম্পিত  
জোসনা বলে, ওই যে আপনার গাড়িতে চাপা পড়া।

ও ভাগিস তেমন চোট লাগে নি। তবুও তাকে পাশের ক্লিনিকে দিয়ে সব ব্যবস্থা  
করেই তো এলাম।

তারপর?

এরপর জোসনাকে আরো হিম অতলে ফেলে নিজ স্বভাবের সহজতায় মেতে  
ওঠে পরিমলও শুরু করে চড়ুইয়ের গল্ল, তারপর আর কী ? ফুড়ুৎ !

এমন সিরিয়াস বিষয় নিয়ে কিন্তু আপনি ফাজলামো করে যাচ্ছেন আশচর্য !

কী লাভ সিরিয়াস হয়ে ? তুমি যেন কত গুরুত্ব দাও আমার সিরিয়াস কথার  
সিরিয়াস আবেগের ?

কশ্পিত ঠোঁটে বেদনার দাঁত চাপে জোসনা, বলে আপনিও জানেন, আমিও—  
একজন, একটি ব্রাক্ষণ কন্যার সাথে আপনার বিয়ের কথা চলছে—

বিয়ের কথা হচ্ছে মানেই তো বিয়ে হয়ে যাচ্ছে না ?

এইবার সত্যি সত্যি দৃঢ় হয় জোসনা, তীব্র চোখে তাকায় পরিমলের দিকে, ঠিক  
আছে। এখন একটা কথা একদম সিরিয়াসলি বলবেন, পরিবার ধর্ম বাদ দিয়ে, জান্ত  
এক সন্তুষ্ট সময় দিলাম, আপনি আমাকে বিয়ে করবেন ?

রীতিমতো থতমতো বিব্রত বোধ করে ধীরে ধীরে পরিমল নিজেকে সামলায়,  
আরে ঠিকমতো দুজন চললামই না, বুঝলামই না... প্রেম করার সুযোগই হলো না :

বিষ মেরে যায় জোসনা।

কী কথা বলছো না সে ?

হাঃ হাঃ হেসে তখন জোসনা বলে, চড়ুই পাখি বারোটা, ডিম পেরেছে তেরেটা,  
একটা ডিম নষ্ট, চড়ুই পাখির কষ্ট।

আরে এখন দেখছি ফান তুমি করছো। 'বিয়ে প্রস্তাব' মুহূর্তে রীতিমতো লাই  
পেয়ে জোসনার দেহ ঘনিষ্ঠ হয়ে তার হাত ধরে আরেকটু ধাবিত হতে চায় পরিমল,  
আশচর্য মেয়ে তুমি, এতদিন পাস্তাই দাও না, এখন একবারে সরাসরি বিয়ে ? যা হোক  
তুমি নিশ্চয়ই আমার কথা বুঝতে পারছো আমরা আরও গভীরভাবে মিশি। প্রেমের  
জীবনের মজা নেই, বিয়ে হলে তো সব ডাল ভাত— পরে যদি ইচ্ছে হয়—

কুকুর ঘৃণিত আপনি, ভেতর জ্বোধে সে পরিমলের শরীর-কাছ থেকে ছিটকে  
দাঁড়ায় সে ! এরপর লেক থেকে বেরিয়ে ছুটতে ছুটতে সে নিজ ঘরের দরজা বন্ধ  
করে হাঁপাতে থাকে। মেঝের মধ্যে তার আমূল অস্তিত্ব ভূপ্রাপ্তি হয়। যেন একটি  
জান্তব গাড়ি তাকে হত্যা করতে হিংস্য ভঙ্গিতে ধেয়ে আসছে।

চোখ বন্ধ করে জোসনা নিশ্চুপ ছাদের দিকে তাকিয়ে থেকে— মা-বাবা রাখালের  
চোখের অনুধাবন করতে চায়। এইভাবে কত সময় পার হয়েছে সহসা  
ঠাহর করতে পারে না।

কোথায় ডুবে যাও বার বার ? প্রশ্ন করে পরিমল— উন্নত দিছো না যে ?

রাখাল... ও রাখাল তোমাকেও সবাই মেরে ফেলতে শুরু করেছে ? আমারে  
একটু বাঁশি শুনাইবা ?

এরপর জোসনার জাগতিক ঘোর পৃথিবী থেকে ক্রমশ পরিমল উধাও, উধাও লালনের গান, কান পেতে অতলে তলাতে তলাতে জোসনা শোনে রাখালের বাঁশির মুর... 'সময় গেলে সাধন হবে না'... যেন বা দ্বন্দ্বের ঘোরে এলিয়ে পড়ে জোসনা।



ক্রমশ মতলব মিয়ার পোষা টিয়াতে পরিণত হতে থাকা রাখাল ভেতরে গুমড়ে গুমড়ে কাঁদে। কখনো তার মনে হয়, মতলব যখন ঘূমিয়ে থাকবে তখন সে অতি সন্তর্পণে ভাগা দেবে। কিন্তু মতলব চলে পাতায় পাতায়। সে কি রাখালের এই ফন্দি বুঝবে না? চবিশ ঘণ্টা সে রাখালকে পাহাড়া দিয়ে রাখে। রাত্রেও ঘরে তালা দিয়ে চাবি রাখে গোপন পকেটে। সারাদিন আঁটোসাঁটো প্যান্টের মধ্যে নিজেকে ঢুকিয়ে এমন যন্ত্রণা হয় রাখালের, মনে হয় তার কোমর অদি কেউ বক বাঞ্ছে ঢুকিয়ে রেখেছে। সে ডানে ঘোরে বাঁয়ো ঘোরে, ঠ্যাং টানে, স্বত্তি হয় না।

এইসব কার্যকলাপের মধ্যেও মাথায় ছায়াচক্র ঘোরে, প্রায়ই আজকাল গভীর যন্ত্রণায় সে বলে, চাইরদিক কী কালা গো!

দুনিয়াভারে শাদা দেখতে শিখো, খেকিয়ে উঠে মতলব যখন, তখন তারে রাখাল, এই অবস্থায় কী করে দুনিয়া শাদা হয়? বরং ঘোর কালো। তাইতো সে এতকাল দেখে এসেছে। বরং শৈশবে অনেক রঙ ছিল, হৃহ তেপাতরের সবুজ গ্রাম, দুখু বাউল বলত, দেখো দেখো রাখাল নদীর জল কী স্নোতস্বী, তারও রূপ কী ময়ূরাক্ষী। গ্রীষ্মে ঝিকিমিকি, শীতে কালো বিষণ্ণ, সূর্যিয়ুবি যেতে থাকলে সামনে লালচে লাল ছোপ। এরপর রাখালকে পাশে বসিয়ে দুখু বাউল যখন রাখাল বাঁশি বাজাছে একটানা, রাখাল তার পাশে বসে কতদিন ছুঁয়ে ছুঁয়ে নদীর রঙ পাল্টে দিয়েছে। সেই ছোপ ভেঙে ঝঁড়িয়ে বাদামি এক রঙ ধারণ করত।

তখন দিন কী সুন্দর ছিল!

পৃথিবী ছিল বহুবর্ণ। সেই পিঙ্কি বেলায় বাবা কাঁধে বসিয়ে অষ্টমীর মেলায় নিয়ে যেত। কত যে খেলনার ঝনঝনানি, তখন তো চেতনার মধ্যে সেই পুরনো অভ্যাসেরই ছিন্নভিন্ন খেলা।

পুরনো কুরশি কাটাই নানা রঙের সুতোয় বোনা নকশা।

সেই কবে মা'র ওমে ওয়ে সে বলত, তোমার পরশ কী সবুজ গো!

কী যে বেহুদা বলিস ভুই— ওকে জড়িয়ে মা গুনগুন গান গাইতে ঘূমিয়ে পড়ত।

এরপর বাবার মৃত্যু।

মা'র অনন্তলোকে হারিয়ে যাওয়ার বিলীয়মান পদশব্দ। তারপরের স্মৃতি কেবল ছায়া আর অস্পষ্ট সোনালির ঢেউ দিয়ে বোনা। কিন্তু সেই বয়সেই কখনো ছুঁয়ে কখনো সর্বান্তকরণে ষে-কোনো কিছুকে শ্পৰ্শ করে তার রঙ বলার অভ্যন্তর তার চিরকালীন হয়ে যায়।

রাখালকে তালা দিয়ে মতলব মিরা বাজারে গেলে উদাস দুপুরের বিছানায় নিঃশ্ব হয়ে পড়ে থাকে রাখাল। আহারে জোসনা শাদা হলেও তার পৃথিবীটাও না জানি কত কালো। হিন্দু-মুসলিম-এর ভেদ ভেজে নার্স জোসনা কি ডাক্তার পরিমলের জীবনের সাথে নিজের জীবনকে এক করতে পারবে? মনের মধ্যে কত হাহাকার থাকলে একাকী জোসনা রাতভর লালন শোনে?

জানালায় ধূনি... রাখাল... ও রাখাল?

এরকম নারী কঠে চমকে রাখাল বিছানায় বসে,

কে? কে?

আমি গো আমি।

ঘোরে পড়া রাখালের পরান তরঙ্গিত হয়, অস্ফুট কঠে বলে আমি, কে?

তোমার হাত দু'খানি জানালা দিয়া বাড়াইবা?

অকুল জলে খড়কুটো পাওয়ার মতো হেঁটে হেঁটে রাখাল জানালায় কী আকুল দু'হাত বাড়ায়—কে?

আমি তুমার মাঝারাত্তিরের জোসনা গো!

মুহূর্তে হিম হয়ে আসে রাখালের শরীর। তীব্র তাছিলে দু'হাত সবিয়ে ঝাঁঝালো কঠে বলে, তুমি মতলববাজের শেফালী। তুমি আমার জোসনার নাম জানো কেমনে?

কিছুক্ষণ চুপ থেকে শেফালী বলে, তুমার মুখেই যে দিন রাইত তার নাম বন্দনা শুনছি গো...। আহারে শরীরটারে বেচতে বেচতে মাইরাই ফালাইতেছিলাম, তোমার মরদ শরীলে এত মায়া। ভুলবার পারি না। পাঠশালোর মতো ট্যাং-ট্যাইঙ্গা মতলবের শরীলকে এখন ঘিনুন লাগে। জানো হারামি তুমারে ভাগাইবার লাইগ্যা তুমার শহিল্যে সাপ ছাইড়া নিজেই চিকোর পরে দিছে।

আমি জানি, এহন তুমি যাও... ভেতর যন্ত্রণায় কাঁপতে থাকে রাখাল। শেফালি বলে, তুমারে চিড়িয়াখানার জতু বানায়া কী ব্যবসাটাই না করতাছে! রাখাল তুমি জোসনা ভাইবা আমারে তুমার শহিল্যে জায়গা দিবা?

ওই ছেনাল মুখে আমার জোসনার নাম নিবি না, দাঁতে দাঁত চিপে রাখাল বলে, তুই শরীল ছাড়া আর কিছু বুঁবাস না? দেহ বাইক্ষা খাস... বেশ্যা!

মুহূর্তে যে ভূমগলে বজ্জপাতের কাপন ঘটে, ক্রুক্ষ রাগে ফেটে পড়ে শেফালী, আহারে দেমাগ দেখলে বাঁচি না। আমি তো শরীল বেইচ্যা খাই, তব মতো মাইনসের কাছে তো হাত পাতি না... শালার ফকিন্নি... আজাইরাই মায়া করবার আইছিলাম... থু...

বলে গনগনে পায়ে জানালা থেকে দূরে চলে যায় শেফালী।

বিছানায় ফিরে রাখাল কিছুক্ষণ বজ্রাহতের মতো বসে থাকে।

জীবনের ওপর দিয়ে অনেক বাড় ধক্কা গেছে। কিন্তু মেরুদণ্ডে এতবড় হাতড়ির ঘা এই বাক্য শোনার আগে এর আগে আর পড়ে নি। নিজেকে অঙ্ক ভেবে মানুষের কাছে কর্মণাকাতুর বানিয়ে যেভাবে সে দিনের পর দিন নির্লজ্জ করে হাত পেতে গেছে, যাদের সামনে পেতেছে, তারা যেন প্রচও হট্টগোলে তার চারপাশ থেকে ব্যঙ্গ করে হাসতে থাকে। জোসনাও বলেছিল, আর ভিক্ষা করো না। তখন কেন সে এই কথাটাকে গুরুত্ব দেয় নি? অবশ্য জোসনা যেোৱে পড়ে থাকা রাখালকে যে মহতা আর সম্মান নিয়ে সে কথাটা বলেছিল, তাতে সে এত প্রকটভাবে অসম্মানের জায়গাটা অনুভব করে নি... একেবারে মেরুদণ্ডে নথর আঙ্গুল বিন্দ করে।

শেফালী যেটা তাকে মুহূর্তেই এক মন্ত হাতড়ির বাড়ি দিয়ে রাখালকে তুমুল ভূপিতত করে বুঝিয়ে গেল, এর আগে জীবনে এভাবে রাখাল বুঝে নি। আহা! জোসনাও তাকে এতদিন ধরে কী কর্মণাটাই না করে গেছে... হাপুস ক্রন্দনে ডুবতে ডুবতে রাখাল দেখতে পায়, ঝুলে যাচ্ছে অলৌকিক দরজা, সে যদি মানুষকে বাঁশি ডুনিয়ে টাকা নিত, তাহলেও তো সেটা ভিক্ষা করা হতো না। আর তার রঙ দেখার ক্ষমতা নিয়ে যেভাবে দেদারসে টাকা কামাচ্ছে মতলব, রাখাল গোড়ায় যদি এই ক্ষমতা প্রদর্শন করে টাকা কামাত, তাহলে কি তার আজ দুর্দশা এই হতো?

আহ! বড় দেরি হয়ে গেছে। আর এখন? মতলববাজ তো না, বোদাই রাখাল এক মহা অজগরের খপ্পড়ে পড়ে গেছে। রাখালকে 'নিজের আবিষ্কার' হিসেবে প্রমাণ করে দেখিয়েছে মানুষকে মতলববাজ, সে কতটা তীক্ষ্ণ বৃক্ষিস্পন্দন আর ক্ষমতাবন!

এখন হাত-পা ছেড়ে জলের ওপর ভেসে থাকা ছাড়া রাখালের আর কিছু করার উপায় নেই।



জীবনের পরতে পরতে কত অভিজ্ঞতা মতলববাজের। হিন্দিন সৃতির সাথে একই সৃতির পুনরাবৃত্তির রোমহৃদ। শ্রী-সন্তানকে আমে ফেলে ভেগে আসার আগে সে যখন চেয়ারম্যানের সাথে কাজ করত, ভোটের আগে কে কত চমক দিতে পারে, কে কত কারিশমা দেখাতে পারে, এরই তোড়জোর ওরু হতো। সে একবার প্রতিপক্ষকে ঘায়েল করার জন্য জনসমূহে এক নবীকে দাঁড় করিয়েছে, ধর্ষিতা হিসেবে, বলেছে প্রতিপক্ষ পার্টি তার বোনের এই সর্বনাশ করেছে। আরো কত ঘটনা। বেশির ভাগ মানুষ এইসব বিষয়গুলো তাড়াতাড়ি খায়। মতলবের কেন বারবার এইসব মনে পড়ে? যা হোক, এইসব বিষয় নিয়ে নানা রকম মুখরোচক আলোচনায় পরিস্থিতি গরম করে তোলে। এত যে মূল্যবান প্রাণ, তেলাপোকা দেখলে ধড়ফড় করে উঠে, সব মিথ্যা। সব ভাওতাবাজি— এসব বুবোও নেতার জন্য সেই আপন প্রাণই তুলে দেয় কেউ বন্দুকের সামনে। এদের প্রবণতার সবচেয়ে শুরুত্বপূর্ণ দিক, এঁরা নিপুণ কায়দায় গল্ল বানাতে পারে। বিষয়টা অনেকটা এমন, উইপোকা কেটেছে একটি কাপড়ের সুচের মতো অংশ... দেখি দেখি? বলে আঙুল চুকিয়ে কিছুক্ষণের মধ্যেই দেখা গেল সেটি ব্যাপক হয়ে উঠেছে কিন্তু গল্লটিকে প্রলম্বিত করার জন্য প্রথমে সুচের মতো ছিদ্রটা তো থাকা চাই। নইলে তো মানুষের জুত হয় না। মতলববাজ ইলেকশনের সময় এরকম কত 'কথাসাহিত্যিক' যে দেখেছে। কী নিখুঁত তাদের গল্ল বানানোর ভঙ্গি, কী নিখুঁত বর্ণনা—

একজন তো রীতিমতো হলস্তুল ফেলে দিয়েছিল।

এক ভিথুরিকে এক টাকা দান করেছিল চেয়ারম্যান, ... চামচাদের মাধ্যমে খবর পরম্পরায় বিষয়টা একসময় 'একশ' টাকা থেকে এক হাজার টাকায় পরিণত হয়... এটাও তবুও সহের মধ্যে ছিল,

কোরআন ছুঁয়ে নিজ চোকে ব্যাপারটা দেখেছে, চেয়ারম্যানের এক বয়স্ক খাস চামচা যখন বলে বসে, বৃক্ষ ল্যাংড়ার করুণ অবস্থা দেখে তাকে বাড়ি নাকি বানানোর জন্য লাখ টাকা দিয়েছে বলে প্রচার করে এবং বলে, চেয়ারম্যান ইসলামের এই নীতিতে বিশ্বাস করেন, ডান হাতে দান করলে বাম হাত যেন তা দেখতে না পায়, এই দান এর ব্যাপারটা দেখে ফেলায় চেয়ারম্যানের এই বদান্যতার ব্যাপারটা কিছুতেই সেই বয়স্ক চামচা পাবলিককে না জানিয়ে শান্তি পাচ্ছে না, বলে সে এখন এটা প্রকাশ করেছে— পাবলিকের সন্দেহ হলে এলো কোরআন ছোঁয়ার পালা। যা

হোক, তারপরই সেই চেয়ারম্যানের বাড়ির সামনে হাজার হাজার বিকলাম ল্যাংড়া  
মানুষের ভিড় জমে যেতে শুরু করে, তখনই বিষয়টা মারাত্মক আকারে পরিণত হয়।

**রীতিমতো পুরুষুরি মিথ্যাচার!**

এই অঙ্গ রাখালের ক্ষেত্রে প্রচারও কিছুটা কম মাত্রায় শুরু হয়েছিল। সে যখন  
একের পর এক স্পর্শে, দ্বাপে রঙ বলতে শুরু করে, এমনকি কাগজে ছাপানো বে-নি-  
আ-স-হ-ক-লা তর্জনীর ডগা ছুঁয়ে ছুঁয়ে বলে দেয় তার কী কী রঙ— মানুষজন  
রীতিমতো তাজ্জব হয়ে যেতো। কিন্তু এখন তো মতলবের মাধ্যমে রাখালের সেই  
সুচ ফুটো ক্ষমতা তেমনই ব্যাপক আকার ধারণ করছে।



নিজের ঘরে নিদ্রাহীন রাতে তলায়মান সুপ্নের অতলে ডুবতে থাকে রাখাল।

ভাবে, আমি কি লোভের সাগরে ভুবে সাঁতার খেলছি। না সুখের সমুদ্রে ভাসছি? বুঝতে পারছি না কেন?

যেন দু'ডানা মেলে জোসনা এসে দাঁড়ায়, তুমি এত রঙ ধরো আর নিজের মনের রঙ ধরতে পারো না?

পারি না তো।

অথচ দৃষ্ট লোকেরা ঠাণ্ডা মন্তব্য করে বলে তুমি রংবাজ। জায়গামতো ঘাইঙ্গতো খেলে সব রঙ ছুটে যাবে।

ওরাই হয়তো ঠিক বলে। নিঃস্ব আমি। কিছু নেই আমার। তবু কিছু কিছু সুখ ছিল। সুখের খেলা ছিল আমার— যা সব ধীরে ধীরে মিলিয়ে যাচ্ছে অনন্তলোকে।

সুখের খেলা! বুঝলাম না। তোমার কী হয়েছে রাখাল?

কী জানি, আমি কি আর আমার আছি? এ রঙের খেলা রোগ হয়তো। বারবার এক যন্ত্রণাই বেশি উঁতোয় যা ছিল আমার একাই আনন্দ, একাই সুখ। নিজের ভেতর ছিল গভীর কী যে মজা! মতলবের মতলববাজিতে জনে জনে বিলিয়ে দিয়ে আজ আমি নিজের কাছে একেবারে হেলাফেলা নিঃস্ব হয়া গেছি।

জোসনা তুমি চলে যাও... আমি এই সুখেই, বাকি জীবনটা কাটাই।

এইসব কী বলছ রাখাল? জীবনে এত যুক্ত রঙ... আজ হাল ছাইড়া দিবা?

শাদা পোশাকের বড় মনের মানুষ তুমি, তুমিও হয়তো জানো না তোমাকে নিয়েও সুখের খেলা ছিল আমার মনের গভীরে। কত খেলা খেলেছি মনে মনে, কিন্তু থাক... শেফালী সব শেষ করে দিয়ে গেছে।

আশ্চর্য হয়ে জোসনা তাকিয়ে থাকে। আ-মা-কে নিয়ে তোমার সুখের খেলা!

প্রতিদিন সকালে রাস্তিরে ভাবনার পথে আর তোমার আসা যাওয়ার পথে শাদা পোশাকের শাদা মনের ভালো মনের মানুষটির জন্যে আমার থাকত আকুল ব্যাকুল প্রার্থনা। দেখা হইলেও— না হইলেও।

আমার জন্যে তোমার প্রার্থনা সে আবার কেমন খেলা?

হ্যাঁ। খেলাই। সব খেলাই কি হালকা হয়, সেটা তো আমার সুখের খেলা ছিল।

সেই খেলায় কী কল্পনা করতা আমারে নিয়া ? কী প্রার্থনা করতা আমার জন্য ?

কতশত রকমের কল্পনা, প্রার্থনা । সৃষ্টিকর্তা যদি আমার কথা একদিন শুনে থাকে, তাহলে কোনো কষ্টই তোমার ‘শান্তি’র মধ্যে এক ফৌটা কালো লাগতে দিবে না ।

আমি যে তোমার পাশ দিয়ে যেতাম, করতাম, উড়তাম তুমি বুঝতে কী করে ?

আমি আমার সুখ দিয়ে, মজা দিয়ে, আনন্দ দিয়ে ঠিক ঠিক বুঝতে পারতাম । মুহূর্তে মুহূর্তে অনুভব করতাম এই বুঝি ফিরে তাকাল শান্তি পোশাকের পরীটি । আমি থেমে গেছি সশানে, শ্রদ্ধায়, ভালোবাসায়, প্রেমে ।

সব বুঝালাম রাখাল, কিন্তু কেন যা হচ্ছে তার বিঙ্গনে প্রতিবাদে ফেটে পড়ছে না ?


কেন না বোঝার ভান করছে জোসনা ? তুমিই তো প্রথম আমার মনের প্রেমকে প্রথম স্পর্শ করলে ? আমি আর আমার নিয়ন্ত্রণে আছি ? যাও জোসনা... যাও... আমি বিকায়ে গেছি । ফুরায়ে গেছি... রাস্তির শেষ প্রহরে ক্লান্তিতে রাখাল শুমিয়ে পড়ে ।



এদিকে রাখালের এ জাতীয় নিঃশব্দ তড়পানি যত দেখে, মতলব তত ফেপে, কবে  
বাস্তুপতি আইবো আমি মরতাছি প্রোগ্রামটা ক্যাসেল হয়া গেল নাকি? আমি মরি হেই  
চিত্তায়, আবে তুমি পইড়া রইছো আজাইরা দৃঢ়ব বেদনা নিয়া, শালা। তুমি কী জানো  
দুনিয়া কত কঠিন। শুইয়া বইস্যা ভিক্ষা করছো। আব ভাত থায়া ঘূম দিছো।  
জীবনের ক্রমণ পূরণে বউ বাচ্চারে ফালায়া ঢাকা আইসা নিজ পেট বাঁচাইতে  
ফেনসিডিল থাইক্যা কত ব্যবসা করলাম, বহুদিন পর দুইটা ভালা টাকার মুখ দুইজনে  
এক লগে দেখতাছি, ভাবতাছি— বউটারে শহরে আনমু... বাচ্চাগুলোর পড়াশোনা  
শিখাইয়ু... এইবার মতলব মিয়ার চোখ ক্রমশ ঘোর আচ্ছন্ন হতে থাকে। অঙ্ককার  
বিছানায় শুয়ে রাখালও ভাবে, তাইতো খাঁটি কথাই তো বলেছে মতলব। ভালো ঘৰ,  
ভালো খাদ্য, আরাম, দামি লেপতোশকের কথা এই জীবনে স্বপ্নে ভেবেছে সে? এই  
স্বরের আরাম যদি সে গ্রহণ করতে না পাবে? এই ছিন্মূল জীবনে জোসনার মুখ  
স্পর্শ করার ভাবনা সে ভাবে কী করে?

কিন্তু তারপরও শান্তি হয় না। আমার উপার্জনের টাকা আমি পাইয়ু না?— এই  
কষ্ট ফের তার শান্তি হারাম করতে থাকলে সে অনুভব করে, আসলে টাকা জিনিসটাই  
বড় খচর। যা হোক তরঙ্গের ফেনার মতো মতলববাজের চাপাবাজির তোড় সর্বত্র  
ছড়াতে থাকে। আব 'ফুটো' কে 'ব্যাপক' করার দক্ষতা তো অলস মাথার লোকদের  
থাকেই। একসময় তারা বলতে শুরু করে ব্রহ্ম বলার ক্ষমতা রাখাল ভিখিরির হাজার  
ক্ষমতার একটি— সে ধীরে ধীরে তার আরো আরো ক্ষমতা প্রকাশ করবে। ছড়াতে  
ছড়াতে কথা এই পর্যন্ত যায়— ভিখিরি আসলে মানুষ নয়, সে এক অলৌকিক প্রাণী  
বিশেষ। মানুষের চেহারা কখনো এমুন আজিব কিসিমের মতো হয় যা অন্য কোনো  
মানুষের সাথে মেলে না?

আজিব কিসিম? রাখাল অধঃপাতে তলায়... জোসনা... ও জোসনা, তুমি এর  
মাঝেই কী করে মায়া দেখতে পেয়েছিলে?



এভাবেই দিনরাতগুলি চলছিল। ক্রমে মানুষ রঙ বিষয়ে ক্লান্ত হয়ে পড়লে মতলব মিয়ার দৃশ্যতা বাড়তে থাকে। সে প্রেসিডেন্টের আগমনের বিষয়ে খৌজ লাগিয়ে রাখে, কিন্তু 'আগাতত' প্রোথাম স্থগিত— এটা শুনে জীবনে বাঁচার ওপর সাধ উঠে যাওয়ারই উপক্রম হয় তার। কিন্তু বসে থাকা তার স্বভাবে নেই। সে ক্রমশ রাখালের মধ্যে ঢিয়ে পাখির ফিকির করতে থাকে, বলে তুই হাত শুইনা মাইনসের ভাগ্য বুনবি। আমি তরে শিখাইয়ু কুন পেশার লোকেরে তুই কী কইবি।

রাখালের জুত লাগে না, বলে না ভাই, আমার পুরনো জীবনের রঙ নিয়া খেলার তেতর একলা খেলা জীবনই ভালা। তুমি সত্যি আমারে নিঃস্ব কইবা দিছো। বহুত হইছে। আমাকে মুক্তি দেও। এহন এই রঙ নিয়া আসমান পাতালের অনন্ত রঙে ঘিইশ্যা যাইয়ু।

অলৌকিক এক স্তৰায় স্থির বসে রাখাল দিগন্ত পথে চলতে চলতে একাকী বাঁশি বাজিয়ে চলায়িত রাখাল বলে কেউ না।

এইভাবে যখন নিষ্ঠরঙ দিনগুলো যাচ্ছিল, তখন মতলবকে একেবারে তুমুল আসমানের ডগায় উঠিয়ে সেই প্রতিনিধিসহ সদল বলে সেই প্রেসিডেন্ট আসছেন : মুহূর্তে এই দেশে বিশেষত প্রতিবন্ধীদের মধ্যে এই নিয়ে হলসুল।

আর কে পায় মতলবাজকে, বলা যায় চিমশে পড়া-মড়া চিতা দিয়ে বীর শক্তিতে সে ফাল দিয়ে দাঁড়ায়। সে পুরনো যোগাযোগকে কাজে লাগিয়ে, চারদিকে 'ফেউ' লাগিয়ে জানতে পায়, ইতোমধ্যে তিনি এই রঙ ভিত্তির ক্ষমতা সম্পর্কে অবহিত হয়েছেন।

টনক নড়ে অনেকের। এই দেশের উচুদরের কর্মকর্তারা, যারা এতদিন বিষয়টিকে আমলের মধ্যেই আনে নি, তারা থেকে শুরু করে ফুটপাতে বাস করা মানুষদের মধ্যেও তুমুল গুজরণ ওঠে। রাখালকে এনে নানারকম পরীক্ষা চালায়। সবাই যখন তার আজব ক্ষমতায় তাজ্জব, তখন একজন বয়ান করে প্রতিনিধির সেই শুরুত্বপূর্ণ বাক্যের কথা। প্রেসিডেন্ট কাছে রাখালের জন্য এক মিনিট সময় বরাদ্দ থাকবে কি-না যেহেতু এটা একটা ভাবনার ব্যাপার, তো সেই ক্ষেত্রে রাখালের এই চক্র উৎপাটনের ব্যাপারটি তারা কী করে ভুলে ছিল ?

সারা অবস্থার মধ্যে স্তুতা নেমে আসে। কিছুক্ষণ কেউ কথা বলতে পারে না।

কিন্তু মতলব চিৎকার করে বলে, ওর চোখ দুটি উঠিয়ে দেয়া হোক— ওরা তখন ভুইলা ছিল, এখন উঠায়া দিলেই তো সমাধান। এতে ভুল হওয়ার কী আছে?

হাসপাতালে ঘুমের মধ্যে বাখাল চেঁচিয়ে ওঠে— না! না...।

কিন্তু ততক্ষণে যা হওয়ার হয়ে গেছে। তন্দ্রার মধ্যে এগিয়ে আসে জোসনা, একেন করতে দিলা তুমি? তুমি কি জানো না এই চক্ষু আমার?

দুঃসময় আমাকে ঘিরে ধরছে চারদিক থাইকা। এত একা লাগছে, একা। কী নিরাকৃত একা আমি! আমি কে? কে আসলে আমি? কোথায় ছিলাম আমি? এখন কোথায় আমি? কী দরকার আমার এই পৃথিবীতে? বাবা, মা, মাগো, কই তুমরা?

রাত যায় দিন যায়, নাগরিক আকাশ ছিড়ে পারি চলে যায়। সবাই চলে যায়—

তন্দ্রায় মা এসে তার শিশু মাথা কোলে নেয়। বাখাল জিজেস করে মাগো তুমি আইছো? মা আমি কোথায় যাব? হেই মা শুনছো— আমার আর একা ভালো লাগছে না।

আমার বুকে ওইয়া থাক। এত পাগল হইস না বাঁজান।

আমি মনে হয় পাগলই হয়া যাব— তলায়া যাইয়ু... তলায়া...।

বাবা তুমি এইভাবে বলতেছো কেন? এই যে আমি আইছি। শাস্তি হও বাঁজান

মা তুমি জানো না? ওরা আমারে কী শুধু যে দেয়। কেবল ঘুম আর ঘুম। মরণ ঘুম আমারে তলাইয়া...।

চূপ কর, বাপ চূপ!

নেশালু আঁধারে বিড়বিড় করে বাখালের স্বর। না-না। আমি আমার দিন রাত সব হারায়া ফালাইছি।

অলৌকিক ছায়াদল চারপাশে নৃত্যরং অবস্থায় বলে, তুমি এত রঙ ধরতে পারো। আর বর্তমান পৃথিবীর রঙটা ধরতে পারতেছো না?

পারছি না তো।

গাঁদা ফুলের বাগানে বড় বড় ফুলগুলো ফুটে আছে থরে বিথরে। বাখাল দেখেছো কখনো?

হ্যাঁ হ্যাঁ ওইতে হলুদ-হলুদ হলুদের মাখামাখি য্যান, সেই হলুদ আমার সাথে দুষ্টমি মার্কা অট্টহাসিতে ফেটে পড়ছে বারবার। সব সব হারাইয়া যাইতেছে। শুধু

জোনাকি পোকা জুলতাহে আমার মনের মধ্যে। ভালো কইরা আলো ধরবার গেলে, সব অঙ্ককার হয়া যাইতেছে। দিনের ভালো রাইতের কালা সব এক হয়া যাইতেছে।

মা যেন এখন নিজেই অবুব শিশুর মতো রাখালের বুকের ওপর মাথা পেতে শয়ে পড়ে— আমি বেবাক উনতাছি তুমার বুকের ধরক ধরক এইসব শব্দ কোনো শব্দ নয়... অনন্ত বাঁশির সূর।

ঘোর কেটে গেলে, মা'র চিহ্নান নেই চারপাশে, সবই তন্দ্রা ঘুমের বিদ্রম! ব্যাঙেজে হাত রেখে তেতরে তেতরে গুমরে কাঁদে রাখাল— সে রঙ খোঁজে। কেবল অঙ্ককার। তার মধ্যে পৈশাচিক রঙের হৃঝোড়। পাপড়ির নিচটা বড় ফাঁকা হয়ে পেছে। সে আগেও অঙ্ক ছিল। কিন্তু দুটো চোখের টলটলে উপস্থিতি তাকে এই বোধ দিত যে সে চোখ বুজে আছে মাত্র। জোসনা... ওরা আমার একী সর্বনাশ করল আমার? আমার বাঁচন স্বপ্নের শেষ আশ্রয় ছিলা তুমি। আমার আজীবন একলার জীবনেও এই পুঁতিহীন চক্ষু দিয়া হপনেও তো তোমার সামনে দাঁড়াইবার পারুম না। হে আঘাত! আমারে উঠাইয়া নেও। উঠায়া নেও।

সারা দেশে প্রেসিডেন্ট আসা নিয়ে হই হই রব। শহর সেজেছে উজ্জ্বল আলোয়। এদেশের দারিদ্র্যের বিশাল স্তুপ ঢেকে দিয়েছে চটের চাদর, পলিথিন। পুরনো দর্শকরাও নতুন উদ্যমে রাখালকে ঘাঁটাতে শুরু করে, এটা কী রঙ?

রাখাল হাসপাতাল থেকে বেরোনোর পর থেকেই নিশ্চৃণ।

আচ্ছা, ওটা বলো কী রঙ?

রাখাল নিশ্চৃণ। সে কেবল হাতমুঠো করে নিশ্চল বসে থাকে। যেখানে লাল রঞ্জ শুকিয়ে আছে। ঠেলতে ঠেলতে সেই মানুষগুলো কোনো মৃতের জগতে নিয়ে গিয়েছিল, কী ভীমণ কঠিন শীত। আর যন্ত্রণা যেন গনগনে লোহা, যা দোষধের শাস্তিতে লেখা থাকে। এরা মানুষ? উত্তেজনা আর তাড়াহড়ার হজ্জাতে সরকারি হাসপাতালে কয়েকজন অতি গোপনে কর্মটি সম্পন্ন করতে গিয়ে তাকে অজ্ঞান করার বিষয়টি নিয়ে পর্যন্ত ভাবতে পারে নি? কারণ এটা থ্রাকাশ্যে সবাইকে জানান দিয়ে করতে গেলে, মানারকম নিষেধ আর প্রতিবাদে কর্মটি হয়তো সম্পন্নই হতো না। রাখালের মাথায় কিছু কাজ করে না। শধু দু'হাত চেপে মুঠি ভরে চেপে রাখে রক্ত গ্রহণ করার দৃশ্যটি। কেমন ছেঁড়া কালো ঘেঁঘের মতো। মতলব মিয়া ফিসফিস করে— এইবার আপনে রাজা হইবেন।

বাজান গো, তুমিই তো আজ্জ্বল ধইরা কেত পানে লইয়া যাইতে যাইতে কইছিলা এই দুনিয়ার কালাও ভালা আঙ্কার থাইক্যাই তো জন্ম লয় বাপ সুরজের...

ভুই তোর আকার চোখ দিয়া মনের সুন্দর দিয়া দেখবি, দুনিয়া কত সুন্দর...। ও  
বাজান ভূমি মরণের কোন অতলে হারাইলা ? সেইখানের রঙ কী ?

নাহু শুধুই অক্কার ! যেখানে জড় দুটো টস্টসে চোখ ছিল সেখানে বিকট ক্ষীণ  
শীত আর যন্ত্রণার গনগনে লোহা দোজখের শান্তিতে খেলা করছে। পৈশাচিক উল্লাসে  
সেখানে শুধু বক্তের হলোড়, দুমড়ে মুচড়ে ভেঙে চুরচুর হতে থাকে রাখাল।

চারপাশে সশব্দ কোরাস। বিভিন্ন সফরের মাঝে ঝুটিন মতো বিদেশী প্রেসিডেন্ট এসেছেন। এর মাঝেই প্রচণ্ড ভিড় ঠেলে মৃতপ্রায় রাখালের শরীরের ওপর ঝাঁপিয়ে পড়ে কেউ— একী করলা তুমি রাখাল ? আমার বাবা-মা গেছে! তোমার চোখও ? আমি এখন কার চোখ দিয়া পৃথিবী দেখব ?

রাখালের মৃত রক্তের মাঝে ক্রমশ জীবিত রক্তের সঞ্চালন ঘটে... হাতড়ে হাতড়ে দে স্পর্শ করে একটি বাঁশি... জোসনা ?

না... না... জোসনা তো সেইদিন তার বুকের ওপর থেকে ওর ভয়ে চলে গিয়েছিল।

কিন্তু ফের ঘোর থেকে বেরিয়ে না, স্বপ্ন না, বাস্তবের জোসনাকে তার স্পর্শের মধ্যে পেয়ে অভিভূত হয়ে পড়ে। চলো আমরা এই নষ্ট জগৎ থাইকা অনেক দূরে চইলা যাই। জোসনার এই কথায়— ও আল্লা ? না... এ বিভূত নয়, হাজার ভিড়ে রক্ত মাংসের বাস্তব জোসনার হাত-মুখ কম্পিত হাতে স্পর্শ করতে করতে রাখালের ভূমণ্ডল কাঁপে... আমার সব শেষ হয়া গেছে জোসনা।

তুমি বাঁশি বাজাইবা, আমি তোমার সাথে গাইব লালন...।

এরপর স্তুতি।

এদেশের রাথি মহারথির সামনে প্রেসিডেন্ট। তার প্রতিনিধি মুহূর্তে সামনে এসে দাঁড়িয়েছে যেন রেডিওতে ইংরেজি সংবাদ পড়ছে এভাবেই বলে, স্যার গতবার আপনার প্রোটেকশনের ব্যাপারে খোঁজ নিতে এসে অনেক প্রতিবন্ধীর মধ্যে 'স্পেশালি' আমি এর কথাই বলেছিলাম। এই অঙ্গের আশ্চর্য ক্ষমতা, যে দ্রাণে, স্পর্শে কিছু না দেখেই রঙ বলতে পারে।

চারপাশে হাজার টিভি ক্যামেরার ক্লিক ক্লিক। রাখালকে আঁকড়ে ধরা জোসনা এহেন অবস্থায় নিজেকে দুর্দান্ত বিপর্যস্ত বোধ করে।

ট্রেঞ্জ! প্রেসিডেন্ট অবাক কম্পিত হয়ে রাখালের কাছে গেলে জোসনা তার সমস্ত অস্তিত্ব দিয়ে তাকে জড়িয়ে ধরে। এতে রাখাল নতুন জীবনের শক্তি পায়।

সেই ছাপার অক্ষরের মতো কণ্ঠ হৃষ্টি খেয়ে পড়ে রাখালের ওপর, স্যার তার কোট হুঁয়ে বলতে বলেছেন— ওটার রঙ কী ?

সমস্ত পরিবেশ স্তক হয়ে উঠেছে। চারদিকে হাজার মানুষের দমবন্ধ। নীল কোট  
পরা প্রেসিডেন্টের মূখে বিশ্বর। মুহূর্ত মাত্র... সে যেন তার চক্ষু কোটির থেকে টপটপ  
করে ঝরে পড়া রক্ত নিজ হাতের ওপর পড়েছে এই অনুভবে— সবাইকে গভীর  
হতাশার নিষ্পাসে তলিয়ে দিয়ে জোসনাকে উদ্ভাসিত হাসিতে ছড়িয়ে মুঠো হাত মেলে  
ধরে আলোয়, এরপর, দাঁতে দাঁত চেপে বলে, লাল!